

續
文
獻
通
考

卷一三七——一三九

7保±
5266
70-33



門 標
號 5266
卷 70-35

續文獻通考卷之一百二十七

皇明進士雲間王圻纂輯

王禮考 圭璧 符璽

宋

寧宗嘉定十四年七月京東河北節制司蒙國將獻本朝
皇帝恭膺天命之寶詔禮官討論受寶禮儀以聞 是
年閏十二月奉安玉璽于天章閣命近臣告于天地宗
廟社稷 十五年命禮官哀集受寶本末爲書藏于秘
閣

理宗紹定二年趙至道奏申嚴皇城司給牌之制賃牌往
來者照闌入法庶九重之地威禁益嚴亦防微杜漸之

一端從之 寶祐二年詔皇太子忠王授崇寧軍節度使忠王之印 景定三年以李壇效順賜金鍍銀印二金帶朝服繡鞍馬以金帶牙笏各十五副付壇分賜諸將

遼自遙輦氏之世受印于回鶻至耶瀾可汗請印于唐武宗始賜奉國契丹印太祖神冊元年梁幽州刺史來歸詔賜印綬是時太祖受位遙輦十年矣會同九年太宗伐晉末帝表上傳國寶一金印三天子符瑞于是歸遼按傳國寶秦始皇作用藍田玉螭紐六面其正面文受命于天既受承昌魚鳥篆于嬰上漢高祖王莽篡漢元皇后投璽殿階螭角微玷獻帝失之孫堅得于井中傳

至孫權以歸于魏魏文帝隸刻肩際曰大魏受漢傳國之寶唐更名受命寶晉亡歸遼自三國以來僭偽諸國模擬私製歷代府庫所藏不一莫辨真偽聖宗開泰十年馳驛取石晉所上玉璽于中京興宗重熙七年以有傳國寶者爲正統賦試進士天祚保大二年遺傳國璽于桑乾河 玉印太宗破晉北歸得于汴宮藏隨駕庫穆宗應曆二年詔用太宗舊寶 御前寶金鑄文曰御前之寶以印臣僚宣命 詔書寶文曰書詔之寶凡書詔批答用之 契丹寶受契丹冊儀符寶卽奉寶置御座東 金印三晉帝所上其文未詳 皇太后寶制未詳天顯二年應天皇后稱制群臣上璽綬冊承天皇太

后儀符寶即奉寶置皇太后座右 皇后印文曰皇后
教印 皇太子寶未詳其制重熙九年冊皇太子儀中
書令授皇太子寶 臣下印吏部印文曰吏部之印銀
鑄以印文官制誥 兵部印文曰兵部之印銀鑄印軍
職制誥 契丹樞密院契丹諸行軍部署漢人樞密院
中書省漢人諸行宮都部署印並鑄文不過六字以上
以銀硃爲色南北至內外百官印並銅鑄以黃丹爲色
諸稅務以赤石爲色杓窠印杓窠鷲鳥之總名以爲印
紐取疾速之義行軍詔賜將帥用之聖宗嘗賜耶律休
哥道宗賜耶律仁先鷹紐印即杓窠印也 符契金魚
符七枚黃金鑄長六寸各有字號每魚左右判合之有

事以左半先授守將使者執右半大小長短字號合同
然後發兵事訖歸于內府 銀牌二百面長尺刻以國
字文曰宜速又曰勅走馬牌國有重事皇帝以牌親授
使者手劄給驛馬若干驛馬缺取他馬代法晝夜馳七
百里其次五百里所至如天子親臨湏索更易無敢違
者使回皇帝親受之手封牌印即官收掌 木契正面
爲陽背面爲陰閣門喚仗則用之朝賀之禮宣敕使請
陽面木契下殿至於殿門以契投西上閣門使云投契
行勸勸契官聲喏跪受契舉手勸契同僥伏與鞠躬內奏
勸勸閣門使云准勸勸契行勸勸契官執陰面木契聲
喏平身立少退近後引聲云軍將門仗官齊聲喏勸契

官云內出喚仗木契一隻准勅付左右金吾仗行勘勘契官合不合門仗官云合凡再勘契官云同不同門仗官云同亦再勘契官近前鞠躬奏勘官左金吾引駕仗勾畫都知某官某對御勘同平身少退近後右手舉契云其契謹付閣門使進入閣門使引聲喏門仗官下聲喏勘契官跪以契投閣門使上殿納契宣徽使受契閣門使下殿奉勅喚仗 木箭內箭為雄外箭為雌皇帝行幸則用之還宮勘箭官執雌箭東上閣門使執雄箭如勘契之儀詳具禮儀志

金

太宗天會三年三月韓魯獻傳國寶時獲于遼者玉寶四

金寶二玉寶者通天萬歲之璽一受天明命惟德乃昌之寶一皆方二寸嗣聖寶一御封不辨印文寶一金寶御前之寶一書詔之寶一二寶金初用之獲于宋者玉寶十五金寶七印一金銓銀寶五玉寶者受命寶一咸陽所得三寸六分文曰受命于天既壽未昌相傳為秦璽也白玉盤螭紐傳國寶一螭紐二玉並碧色值百寶一文曰承天休延萬億永無極又受命寶一文曰受命于天既壽未昌天子之寶一天子信寶一天子行寶一皇帝之寶一皇帝信寶一皇帝行寶一皇帝恭膺天命之寶二皆四寸八分螭紐御書之寶二一龍紐一螭紐宣和御筆之寶一螭紐金寶并印者天下同文之寶一

龍紐御前之寶二御書之寶一宣和殿寶一皇后之寶
一皇太子寶一龜紐皇太子妃印一龜紐金塗銀寶者
皇帝欽崇國祀之寶一天下合同之寶一御前之寶一
御前錫賜之寶一書詔之寶一外有宋內府圖書印三
十八內府圖書之印一御書三御筆一御畫一御書玉
寶一天子萬年一天子萬壽一龜龍上珍一河洛元瑞
二雲漢之章一奎壁之文一華國之瑞一大觀中秘一
大觀寶篆一政和一宣和一宣和御覽一宣和御寶一
宣和殿制一宣和大寶一宣和書寶二宣和畫寶一常
樂未央一古文二封共三十五面並玉封字一御畫一
二面並碼碼政和御筆一係水晶

熙宗皇統五年始鑄金御前之寶一書詔之寶一

世宗大定十八年御史大夫完顏璋請製大金受命寶有
司以秦璽文進上命以大金受命萬世之寶爲文其制
徑四寸八分厚一寸四分盤龍紐高厚各四寸六分有
半禮部尚書張景仁少府監張僅言領工事詔康光慶
篆之 二十三年三月鑄宣命之寶金玉各一徑四寸
二釐厚一寸四分紐高一寸九分字深二分勅有司議
所當用奏今所收八寶及皇統五年造御前之寶賜宋
國書及常例目則用之書詔之寶賜高麗夏國詔并頒
詔則用之大定十八年造大金受命萬世之寶奉勅再
議今所鑄金寶宜以進呈爲始一品及王公妃用玉寶

續文獻通考 卷之百三十五
二品以下用今宣命之寶 二十五年十二月命範銅
爲禮信之寶凡賜方外禮物給信袋則用

章宗明昌四年七月命以銀改鑄禮信之寶仍塗以金又
有太皇太后皇太后皇后皇太妃寶皆用金 至寧末
胡沙虎既弒主時尚宮左夫人鄭氏掌御璽使黃門取
之鄭曰璽天子所用胡沙虎人臣取之何爲黃門曰今
天下大亂天子尚不自保况璽乎侍御當思自脫計鄭
大罵曰爾天子近侍被恩尤厚君難不以死報之反助
逆臣奪璽我死可必璽不可得也黃門乃退後竟取宣
命之寶授逆黨官職

圭 獲于宋者有玄圭一白玉圭一十九 皇統九年

十月禮部下太常書鎮圭式樣大禮使據三禮圖以進
用之 大定十一年太常寺按禮大圭長三尺杼上終
葵首天子服之自西魏隋唐以來大圭長三尺一寸與
鎮圭同蓋鎮圭以鎮天下四鎮山爲飾今其圭已依古
制惟無大圭今御府有故宋白圭玉圓無上綫及終葵
首自西魏以來所制玉笏皆長尺有二寸方而不折雖
非先生之法蓋後世玉難得隨宜故也擬合以御府所
藏行禮就用太子所執桓圭長九寸廣三寸厚半寸用
白玉若屋之桓楹爲二稜太子入朝起居及與宴則朝
服紫袍玉帶雙魚袞執以桓圭

太子之寶 初世宗大定二十四年幸上京鑄金寶以

授皇太子有司定其文曰監國世宗命以守易監比親王印廣長各加一分龜紐二十八年世宗不豫以皇太子孫攝政鑄攝政之寶貞祐三年以皇太子守緒控制樞密院詔以金鑄撫軍之寶如世宗時制於啟稟之時用之

符制 穆宗之世諸部長各刻信牌交互馳驛訊事擾人太祖定議自非穆宗之命擅制牌號者寘重法自是號令始一收國二年九月始制金牌後又有銀牌木牌之制蓋金牌以授萬戶銀牌以授猛安木牌則謀克蒲輦所佩者也故金初與空名宣頭符軍帥以爲功賞通牌即國之信牌也至皇統五年三月復更改金銀牌其

制不傳大定二十九年製紅油黑字者尚書省文字省通用之朱漆金字者勅通用之並掌之左右司有合遞文字則牌送各部付馬鋪轉遞日行二百五十里如臺部別奏聖旨文字亦給如上制

虎符制 承安元年禮官言漢與郡國守相爲銅虎符唐以銅魚符起軍旅易守長等用之至是斟酌漢唐典故其符用虎並一左一右左者留御前以侍臣親密者掌之其右付隨路統軍司招討司長官主之闕則次官主之若發兵三百人以上及徵兵召易本司長貳官從尚書省奏請左第一符近侍局以囊封付主奏者尚書備錄聖旨與符以函同封用尚書省印記之皆專帶牌

馳送至彼主符者視其封以右符勘合然後奉行若一有參差者不敢呈用主者復用囊封貯左符上用職印具發兵狀與符以本司印發即日還付使者送尚書省以進及更其封以付內掌之人若復有事左符以次出周而復始仍各注曆以付受日月若盜賊急促不容先陳者雖三百人以上其掌兵官司亦許給付隨即言上詔即施行之貞祐三年更定樞院用鹿符宣撫司用魚符統軍司用虎符若發銀牌若省付部及點檢司者左右司用匣封印驗封交受若發于他處並封題押以匣貯之

百官印 天會六年始詔給諸司印其前所帶印記無

問有無新命悉上送官敢匿者國有常憲至正隆元年以內外官印新舊名及階品大小不一有用遼宋舊印及契丹字者遂定制命禮部更鑄三師三公親王尚書令並金印方二寸重八十兩駝紐一字王印方一寸七分半金鍍銀重四十兩鍍金三字諸郡王印方一寸六分半金鍍銀重三十五兩鍍金三字國公無印一品印方一寸六分半金鍍銀重三十五兩鍍金三字二品印方一寸六分金鍍銀重二十六兩東宮三師宰執與郡王同三品印方一寸五分半銅重二十四兩四品印方一寸五分銅重二十四兩六品印一寸三分銅重十六兩七品印一寸二分銅重十六兩八品印一寸一分半

銅重十四兩九品印一寸一分銅重十四兩凡朱記方一寸銅重十四兩天德二年行尚書省以其印小遂命議尚書省印小一等改鑄大定二十四年二月行尚書省議事臺并左右三部印以從幸上京 泰和元年八月安國軍節度使高有鄰言本州所掌印三日安國軍節度使之印曰邢州觀察使印吏戶禮印用之曰邢州之印兵刑工案用之以名實不正乞改鑄宰臣奏謂節度使專行之事自當用節度使印觀察使亦如之其六曹提點所軍兵民訟則當用本州印著為定制上從之八年閏四月勅殿前都點檢司依總管府以金木水火土五號如本司差人則給之

券 以鐵為之狀如卷瓦刻字畫欄以金填之外以御寶為合半留內府以賞殊功也

元

寶璽

元朝于踐祚之始必布告天下惟詔西番以粉書詔文于青羅而繡以白絨網以真珠至御寶處則用珊瑚遣使齎至彼國張于帝師所居處 至元元年七月定用御寶制凡宣命一品二品用玉三品至五品用金其文曰皇帝行寶者即位時所鑄惟用之詔誥別鑄宣命金寶行之 六年製玉璽大小十紐 十三年孟祺以故宋金玉寶及牌印來上命太府監收之 三十年御史中

承崔或得王印以爲傳國璽獻之時木華黎曾孫碩德已死而貧其妻出玉璽一鬻之或以告或或召秘書監承楊桓辨其文曰受命于天既壽永昌此歷代傳國璽也遂獻之故太子妃弘吉刺氏徧示群臣丞相以下次第上壽慶曰神寶之出實宮車晏駕之後此乃天意屬於皇太孫也乃遣右丞張九思齎授之

丘瓊山曰此印得之故相之家楊桓考証以爲秦璽按璽在漢爲元后所擲角有微玷魏文帝刻其旁曰魏受漢傳國之璽今此印非秦所製者明甚疑即宋元符所得於咸陽民家者

按郝經傳國璽論曰上世帝王所以立政傳信考文議禮則有瑞王服章符節左契各爲一代法制別等差辨上下列貴賤定尊卑以爲名器而不以爲傳故唐虞夏殷周之受命莫不革故而易新其先代之寶世所共珍而不忍毀之者如大王夷王天球河圖璋荆白弓繡質元龜青純等或以爲藏或以爲分或以爲寶而亦不以爲傳故或在王朝或在侯國宗社債則轉而之他傳受而守之莫敢少置者在夫道而已初自道傳而極極傳而天天傳而地地傳而人與萬物聖王受命爲天地人物主乃復以道爲統而相傳故堯傳舜舜傳禹禹傳湯湯傳文武本於天命根於皇極原於心性仁義明於夫婦父子君臣上下察於綱紀禮樂文物政事是以爲

二帝三王而道高萬世古今莫及未聞有後世所謂傳
國璽者及秦始皇并天下奮私智盡滅先世帝王之制
自謂德高三皇功過五帝乃兼帝王之號而為皇帝璽
綬滅趙所得楚和氏璧詔丞相斯篆其文刻為傳國璽
其文曰受命于天既壽永昌於是除謚法謂已為始皇
帝其餘以世為號傳之萬世乃二世而亡子嬰降而漢
得之漢之佐命始有意於三代陋秦而從周以為是物
既亡楚又亡趙復亡秦乃滅國所得與斬白蛇劍並藏
武庫傳示無窮如夏后氏之璜封父之繁弱并為一代
寶器別取藍田渾璞刻為大漢受命之璽以示惟新可
也乃自比秦之子孫以為傳國璽於是偷國之盜莫不

睥睨揶揄欲以為已有館於周勃問於霍光奪於王莽
挈於王憲專於更始上於盆子復歸於光武至使尉後
之石誤張豐於死東漢之亡劫於董卓獲於孫堅拘於
袁術卒入曹丕之手魏傳之晉懷愍之難入於劉石復
歸於金陵天下之人遂以為帝王之統不在於道而在
於璽以璽之得失為天命之絕續或以之紀年或假之
建號區區數寸之王為萬世亂階矣厥後晉傳之宋宋
傳之齊梁陳陳傳之隋隋傳之唐而五季更相爭奪以
得璽者為正統宋靖康之亂為金所有漢以來十有餘
代千有餘年竟不能復二帝三王之治所謂天命心性
仁義禮樂與夫綱紀法度治世之具皆不傳始則雜乎

王霸終則盡為苟且其篡弒奪攘蹂躪血肉污穢皇極者不可勝言嗚呼傳者勿傳勿傳者而傳其治亂相反宜也彼嘗有是而亡其國吾今得之其誠為吉祥哉昔湯伐桀於三駿俘厥寶王誼伯仲伯以為非而作典寶言帝王自有常寶不可以亡國之物為寶也當新莽奪璽之日元后馬曰若自以金匱符命為新皇帝當自更作璽何用此亡國不祥璽為雖一時忿激之言最為得理者也孰謂後世帝王無是二臣一婦人之見哉不明堯舜禹湯文武之道竟寶呂政亡國之器龔詘踵陋莫以為非可為嘆惋且其制名為傳國謂以國傳之人與子孫也如堯傳舜舜傳禹可以謂之傳矣武王傳成王

成王傳康王可以謂之傳矣凡不以禮授受者皆不可謂之傳征伐而得則謂之取篡弒而得則謂之奪攘竊而得則謂之盜仍謂其璽為傳國何哉或曰然則無璽可乎曰信以傳信既以為典矣可遂廢而不用乎一代之受命自可為一代之璽更其文為一代之文國亡則藏之秦不傳漢漢不傳魏可也光武傳之明帝明帝傳之章帝至於建安禪代之際更為魏璽可也獨以秦璽為歷代傳國璽不可也近世金亡而獲秦璽以為亡國不祥之物委而置之不以為寶一帝一璽不以為傳雖曰變古乃所以復古也故著論以推本云

文宗天曆二年三月奉皇帝寶於明宗行在所 時開奎

章閣作二璽一曰天曆之寶一曰奎章閣寶命虞集篆文

順帝作二小璽一曰明仁殿寶一曰洪禧命楊瑀篆文洪禧璞純白而龜紐黑色 至正元年詔刻宣文至正二寶

印

一品衙門用三基金印二品三品用兩臺銀印其餘大小衙門印雖大小不同皆用銅其印文皆用八思麻帝師所製蒙古字書惟宣命之寶用玉以玉筋篆 宣勅皆用紙一品至五品爲宣色以白六品至九品爲勅色以赤

世祖中統四年給公主符印 至元四年封皇子忽哥赤

馬雲南王賜馳紐金鍍銀印十月賜駙馬不花銀印

五年封諸王習怯吉爲河南王賜馳鈕金印 六年賜

諸王與魯赤馳紐金鍍銀印 七年勅驛券無印者不

許乘傳 九年二月詔札魯忽赤乃太祖開創之始所

置位百司上其賜銀印 十四年改安西王傳銅印爲

銀印 十九年九月勅各行省止用印一餘者拘之及

拘諸位下印 二十年降太醫院爲尚醫監收給銅印

二十一年封皇子爲鎮南王賜塗金銀印 二十二

年十一月賜皇子愛牙赤銀印 二十四年桑哥言北

安王相府無印而安西王相獨有印實非事例乞收之

諸王勝納合兒印文曰皇姪貴宗之寶寶非人臣所宜用因其分地改爲濟南王印爲宜皆從之 二十五年賜雲南王塗金駝紐印 二十七年封皇孫爲梁王賜金印 三十一年時成宗未改元以范文虎監浚通惠河給二品銀印

成宗大德三年封藥木忽而爲定遠王賜金印 八年封皇姪海山爲懷寧王賜金印 九年封孛羅爲鎮寧王賜金印 十年賜駙馬濮陽王金印

武宗至大二年九月諸王禿滿進所藏太宗玉璽封禿滿爲陽翟王賜金印 是年鑄金印賜句容郡王仁宗延祐元年陞司天臺爲司天監秩正三品賜銀印

二年詔遣宣撫使問民疾苦黜陟官吏並給銀印五月改給各道廉訪司銀印 四年陞蒙古國子監秩正三品賜銀印

文宗天曆元年十一月給殿中侍御史及冀寧路印凡內外百司印因兵而失者令中書如品秩鑄給之 至順元年鑄黃金神仙符命印賜掌金真教道士苗道一二年立官相都總管府秩正三品給銀印

順帝至元七年詔左右丞相平章樞密知院御史大夫得賜玉押字印餘官不與

天台九成陶氏曰今蒙古色目人之爲官者多不能執筆花押例以象牙或木刻而用之宰輔及近侍官至一

品者得旨則玉圖書押字非特賜不敢用然按周廣順二年平章李穀以病臂辭位詔令刻名印用據此則又押字用印之始也

符契

世祖中統三年賜夔州行省楊大淵金符一銀簪十九賞麾下將士別給海青符二事有急速馳以上聞 四年八月詔霍木海總管諸路驛佩金符 至元四年以威州山後大番美麻等十一族來附賜以璽書金銀符 八年勅軍官佩金銀符其民官工匠所佩者並拘入勿復給海青符用太祖皇帝御署 十一年授河北道宣慰使佩虎符 十四年命中外軍命官所佩金銀符以

色組繫于肩腋庶無褻賣具於令 十五年追江南工

匠官虎符八月中書省臣言近有旨追諸路管民官所授金虎符其江南降臣宜仍所授從之閏十一月羅施鬼國西南番王並內附詔各為其地安撫使佩虎符十二月都掌蠻夷及其屬內附詔以其長為安撫使賜虎符餘授宣勅金銀符有差 是年詔虎符舊用畏吾字今易以國字 十六年勅臨洮鞏昌通安等十驛非有海青符不聽馳傳 是年中書省請復授宣尉司官虎符不允 十七年四川宣慰使請賜海青符詔以二符給之 十九年勅出使人還不即以所給符上與有司不即收者皆罪之十二月降拱衛司復正四品仍收其

虎符 二十年以海道運糧招討使朱清為中萬戶賜以虎符張瑄子為千戶賜金符 二十一年三月更定虎符 二十二年以楊兀魯為征骨嵬招討使佩二珠虎符 二十三年給金齒國使臣圓符 時典瑞院都事某建言凡省官提調軍馬必佩虎符今太師伯顏難與他人同宜錫龍鳳牌以寵異之可遂製龍齒牌一面其三珠各函徑寸真珠一枚而飾以紅刺鴉忽寶石牌身脫銀元德上輔功臣號字仍用白玉欵造 二十八年南丹州莫國麟入覲授國麟安撫使三珠虎符 二十九年二月立征行左右軍都元帥府都元帥并副土萬戶府達魯花赤萬戶并副鎮撫等官各佩虎符七月

阿里願自備船同張存從征瓜哇軍往招占城詔授阿

里三珠虎符張存一珠虎符

成宗元貞二年詔奉使及軍官歿而子弟未襲職者其所佩金銀符歸于官違者罪之 大德四年賜雲南王緬國十五驛驛給圓符四驛券二十 五年三月收故軍官金銀符十月湖廣行省臣言鎮守官有功當賞者乞加散官或授金銀符從之 十一年武宗未改元勅行省平章總督軍馬得佩虎符其左丞等所佩悉納十二月勅諸王公主駙馬使臣給璽書驛券不許輒用圓符乘驛武宗至大元年樞密院臣言諸王各用其印符乘驛使臣旁午驛戶困乏宜準舊制量其馬數降以璽書奉事

是年中書省臣言臣等議虎符國之信器驛馬使臣所
需今以昇諸商人誠非所宜乞一槩追之制可 又中
書省臣言舊制金虎符及金銀符典瑞院掌之給則由
中書事已則復歸典瑞院今出入多不由中書結托近
侍奏請泛濫出而無歸臣等請覈之自後除官及奉使
應給者非由中書省勿給從之 四年四月仁宗已拘
收下番將校不與兵者虎符銀牌 是年又勅諸臣非
軍務急速者毋給金字圓牌

文宗天曆元年給淮東宣慰司銀字圓符 至順元年立
行樞密院計雲南賜給驛置書十五銀字圓符五閏七
月封諸王卯澤為末寧王授金印及給銀字圓符給驛
置書 二年十二月以黃金符鐫文曰翊忠狗義迪節
同勲賜西城親軍副都指揮使欽察以旌其天曆初紅
橋戰功

順帝至元三年賜伯顏七寶王書龍虎金符 十二年命
典瑞院給淮南行省銀字圓牌三面驛券五十道 十
三年詔皇太子位下立儀衛司設指揮二員給二珠金
牌副指揮二員給一珠金牌
鎮圭制以玉長一尺二寸有袋副之

成宗元貞元年二月賜天師張與棣宗師張留孫真人張
志僊等十三人玉圭各一

皇明

皇帝服袞冕服用圭長一尺二寸 皮弁同

東宮服袞冕用圭長九寸五分 皮弁同

親王服袞冕用圭長九寸二分五厘 皮弁同

世子服袞冕用圭長九寸 皮弁同

郡王圭同世子郡王以下俱不得用圭

上帝祭用蒼璧

地祇祭用黃琮

配祖祭用蒼璧

太社太稷祭用兩圭有邸

配位用璧同上 以下群祀俱不用

國朝符璽俱尚寶司官職掌本司掌寶璽符牌及六卿駙

馬伯文武百官金銅牙木牌等凡寶璽符牌印章有事

請于 內既事奉而藏之 御璽凡十四寶璽之大者

曰 奉天之寶為唐宋傳寶惟祀天地用之凡 詔若

赦則用 皇帝之寶 立封及 賜勞則用行寶

詔親王大臣用兵則用信寶 冊上尊號則用尊親之

寶 勅諭親王則用親親之寶 祀山川鬼神則用

天子之寶 封外國及 賜勞則用 天子行寶 詔

外夷調兵則用 天子信寶 賜誥用 誥命之寶 賜勅則

用 勅命之寶以進 御座則用 御前之寶 勅諭臣

工則用 廣運之寶 勅諭來朝官員則用 敬天勤

民之寶再考扈守侍衛令牌之號六曰甲曰木曰火曰

土曰金曰水以警夜巡金牌之號五曰仁曰義曰禮曰智曰信以嚴守衛半字銅牌之號四曰南曰東曰西曰北巡者左半守者右半合契而從事焉銅牌之號一曰勇以稽士卒牙牌之號五曰勲曰親曰文曰武曰樂以察朝參祭牌之號三曰陪曰供曰執以謹祀事雙魚銅牌之號二曰直衛曰善以繫祀壇符驗之號五曰馬曰水曰通曰順以給傳郵通制命

建文君建文三年春正月辛酉朔凝命神寶成寶方一尺六寸九分 帝親定其文曰天命明德表正萬方精一執中宇宙永昌先是 帝在儲位嘗夢神人致上帝命授以重寶元年使者還西方得青玉於雪山方踰二尺

質理溫栗 二年春正月 帝郊祀宿齋宮夕夢若有

親乃驚寤 命玉人琢為大璽冬十二月工成名凝命

神寶至是以告 天地 祖宗為文宣示遐邇百官稱

賀大宴於 奉天門頒賞四夷朝使

皇后金冊金寶 皇貴妃而下有冊而無寶獨宣德元

年以 貴妃孫氏有容德請於 皇太后製金寶 賜

之且 命太師英國公張輔為正使少師吏部尚書蹇

義為副使二公元臣也未幾而 貴妃有子自是 貴

妃授寶遂為故事

各衙門印信俱禮部鑄印局專管鑄造印信俱有定式其後又有鑄換辨驗等例凡開設各處衙門合用印信

劄付鑄印局官依式鑄造給降其有改鑄銷毀等項悉領之

印信事例

凡內外各衙門印信年久篆文平之不堪用使具奏鑄換候領新印然後以舊印繳納 凡在外文移到京悉送鑄印局辨其印信真偽

太祖洪武二十三年已改鑄監察御史印先是既分察院爲河南等十二道每道鑄印二其文皆曰繩愆糾繆守院御史掌其一每道置御史或五人或四三人以次差出分巡其一藏於內府有事則受印以出復命則納之至是左副都御史袁泰言各道印篆相類乃命改其制

守院印十二如浙江道則曰浙江道監察御史印餘道並同其巡按印則曰巡按浙江 監察御史印餘亦如之惟浙江江西直隸十府州事繁劇每道置印十餘道皆五

孝宗弘治十三年奏准兩京兵部并在外巡撫巡按按察司官點視各衙所印信如有軍職將印當錢使用者叅問帶俸差操 十四年議准在外大小衙門印記年久印面平乏篆文模糊者方許申知上司驗實具奏鑄換新印其舊印送上司付公差人員繳部仍發鑄印局看驗若印記新降未久捏奏煩擾雖已鑄換仍將申奏官吏治罪

世宗嘉靖八年題准鑄印局官儒今後應造印記關防專以洪武正韻為主正韻不載方取許氏說文二書無從查考者方將先儒著述六書等書參考 十六年題准鑄印局增食糧儒士二名連額設共四名

印信制度

內閣銀印直紐方一寸七分厚六分玉箸篆文

征西鎮朔平羗平蠻等將軍銀印虎紐方三寸三分厚

九分柳葉篆文

宗人府五軍都督府俱正一品銀印三臺方三寸四分厚一寸

六部都察院并在外各都司俱正二品銀印二臺方三

寸三分厚二分

行聖張真人中都留守司俱正二品各布政司從二品

銀印二臺方三寸一分厚七分景泰三年賜衍聖公三

臺銀印

順應二府尹正三品銀印方二寸九分厚六分五釐

通政司大理寺太常寺詹事府及京衛并在外各按察

司各衛俱正三品苑馬寺宣慰司俱從三品銅印方二

寸七分厚六分

太僕寺光祿寺并在外各鹽運司俱從三品銅印方二

寸六分厚五分五釐

鴻臚寺并在外各府俱正四品國子監并在外宣撫使

俱從四品銅印方二寸五分厚五分

翰林院左右春坊尚寶司欽天監太醫院上林院監六部各司宗人府經歷司并在外各王府長司各衛千戶所俱正五品司經局五府經歷司并在外招討司按撫司俱從五品銅印方二寸四分厚四分五釐

在外各州從五品銅印方二寸三分厚四分

都察院經歷司大理寺左右寺五城兵馬司大興宛平上元江寧各京縣及僧錄司道錄司并在外中都留守司經歷司斷事司各都司經歷司斷事司各衛百戶所長官司及各王府審理所俱正六品光祿寺大官等署并在外各布政司經歷司理問所俱從六品銅印方

二寸一分厚三分五釐

吏科等六科行人司通政司經歷司工部營繕所太常寺典簿廳上林苑監蕃育等署并在外各按察司經歷司各縣俱正七品中書舍人順天應天府經歷司京衛經歷司光祿寺典簿廳太僕寺詹事府各主簿廳并在外各衛經歷司鹽運司經歷司苑馬寺主簿廳宣慰司經歷司俱從七品銅印方二寸一分厚三分

戶部刑部都察院各照磨所兵部典牧所國子監繩愆廳博士廳典簿廳鴻臚寺欽天監各主簿廳并在外各布政司照磨所各府經歷司及各王府紀善與寶典膳奉祀良醫工正各所宣撫司經歷司俱正八從八品

銅印方二寸厚二分五釐

刑部都察院各司獄司順天應天二府照磨所司獄司
鴻臚寺司儀署司賓署國子監典籍廳上林苑監典簿
廳 內府寶鈔等各庫御馬倉草倉會同館織染所文
思院皮作局顏料局鞍轡局寶源局軍器局都稅等司
教坊司并在外留守司司獄司各都司司獄司各按察
司照磨所司獄司各府照磨所司獄司及各 王府長
史司典簿廳教授典儀所各府衛儒學稅課司陰陽學
醫學僧綱司道紀司及各巡檢司俱正九從九品銅印
方一寸九分厚二分二釐

各州縣儒學倉庫驛遞關壩批驗所抽分竹木局河泊
所織染局稅課局陰陽醫學僧道司俱未入流銅條記
闊一吋三分長二吋五分厚二分一釐

已上俱直紐九疊篆文或云取乾元用九之義
監察御史銅印直紐有眼方一吋五分厚三分八疊篆
文

總制總督巡撫等項并鎮守公差等官銅關防直紐闊
一吋九分五釐長二吋九分厚三分九疊篆文
今上萬曆二年鑄給監督徐州淮安臨清德州天津衛關
防 又給昌平管糧通判關防令兼理居庸關商稅
又給監收肅州倉臨洮府帶街通判固原州倉平涼府
帶街通判靖虜甘州涼州莊浪西寧洮州六倉鞏昌府

帶銜通判監收永豐倉同知各關防 是年又題准鑄
驗糧關防一顆付委官收掌凡遇解到 內府錢糧驗
中會同科道覆驗鈐記關防以防抵換 四年添鑄南
京戶部監督銀庫關防 二十六年戶部奏議處海稅
事宜給閩海商稅府佐關防

賜印記

高皇帝賜 懿文太子白玉印方一寸二分曰大本堂記
賜 中宮皇后白玉印方亦如之曰厚載之記
文皇帝 賜 仁廟玉押曰人主中正 仁廟即位時
宣廟方為 皇太孫復舉以授之 命印識章奏 本
朝惟 仁宣二廟優禮大臣 賜銀圖書以示褒美後

亦有嗣行之者

仁宗朝蹇義夏元吉楊士奇黃淮楊榮金幼孜俱被 賜
其文曰繩愆糾繆而義又有蹇忠貞士奇有楊貞一之
印

宣宗 賜義曰忠厚寬弘原吉曰含弘貞靜士奇曰清方
貞一榮曰方直剛正胡濙曰清和恭靖又文恭世家吳
中曰和敏詳達 賜太監金英范弘各銀記其文不傳
又 賜王御周瑾銀記曰忠肝義膽曰金貂貴客曰
忠誠自勵曰心跡雙清

景皇帝 賜少傅胡濙曰忠貞惟篤少保王文曰忠誠匪
懈衍聖公孔弘緒曰謹禮崇德是時王少傅直陳循高

穀于謙三少保當亦有之特以 景廟賜不敢登之志傳耳

憲宗 賜覃司禮昌牙記二曰忠誠不怠曰謙亨忠敬銀記一曰才華明敏石記一曰補衮宣化又特 賜方士李孜省銀圖書二曰妙悟通玄曰忠貞和直得密封言事又鄧常恩圖書一曰橐籥陰陽蕭崇一圖書二曰至真玄妙曰丹霞歲月

世宗朝與 賜者楊一清張孚敬桂萼李時嘗言 友言顧鼎臣翟鑿方獻夫嚴嵩郭勛仇鸞楊曰首直忠正又繩愆糾違張曰忠良貞一又繩愆弼違又 嘉張茂恭桂曰忠誠靜慎又繩愆匡違李曰忠 慎方曰忠

誠直諒費曰舊輔元臣夏曰學博才優顧曰經緯首選翟曰清謹學士又繩愆輔德嚴曰忠勤敏達助未攸仇曰翔卿又曰朕所重惟卿一人又 賜真人邵元節白玉印文曰闡教護國烏王印文曰太和子真人陶仲文白王印文曰凌虛子烏王印文曰林隱銀記曰秉一保國又 賜張司禮佐銀記四曰集謀補德曰端忠誠慎曰輔忠曰勵忠麥司禮福銀記一曰恭勤端慎其他未能悉數蓋中貴人得之不難若大臣則為異典耳今上萬曆以少師張居正乞歸葬範銀為圖書以 賜之俾得馳傳密封言事其文曰帝賚忠良 國朝文武臣領 勅行事者俱 給關防以銅為之其

模制大小雖相臣行邊與部屬無異獨正德間張永征安化王及再督三關用金鑄見楊文襄一清所撰墓志文襄與永同事所紀當不謬嘉靖間大學士顧公鼎臣居守用牙刻關防賜之皆特恩也

洪武二十四年真人張宇奏前代嘗給正一玄壇傳錄印今授二品銀印止可施于表箋用于符錄不便遂與龍虎山正一玄壇之印制用六品今按真人府摠有四印六品者銅鑄二品銀印則英宗朝因使拜表回鑿有驗鑄金易之其文乃正一嗣教大真人府之印自道陵傳下者則玉印其文乃陽正治都功印雲篆也

續文獻通考卷之一百二十七

續文獻通考卷之一百二十八

皇明進士雲間王圻纂輯

王禮考 乘輿車旗鹵簿 遼金

遼

遼有大輿是為國輿言國輿者別于漢也其制不可考按遼制輿以人肩之天子

用講絡又有漢輿自太宗會同元年晉使馮道劉煦等

臂絡備車輅法物上皇帝皇太后尊號冊禮自此天子車服昉見於遼 腰輿前後長竿各二金銀螭頭緋繡鳳襪上施錦褥別設小床奉輿十六人 小輿赤質青頂曲柄緋繡絡帶制如鳳輦而小上有御座奉輿二十四人

右輿之制

玉輅祀天地享宗廟朝賀納后用之青質玉飾黃屋左
纛十七鑿在衡二鈴在軾龍輶左建旂十二旂皆畫升
龍長曳地駕蒼龍金燄鏤錫鑿纓十二就 金輅享射
祀還飲至用之赤質金飾餘如玉輅色從其質駕赤騶
象輅行通用之黃質象飾餘如金輅駕黃騶 革輅
巡狩武事用之白質革輓駕白翰 木輅田獵用之黑
質漆飾駕黑駟

右輅之制

耕根車耕籍用之青質蓋三重餘如玉輅 安車一名
進賢車臨幸用之金飾重輿曲壁八鑿在衡紫油纁朱
裏憶朱絲絡網駕赤駟朱鑿纓 四望車一名明遠車

拜陵臨郊用之金飾青油纁朱裏通憶駕牛餘同安車

涼車省方田獵用之赤質金塗銀裝五彩龍鳳織藤
油壁緋條蓮座駕以橐駝

右車之制制小于輅小事乘之

大鳳輦赤質頂有金鳳壁畫雲氣金翅前有軾下有枸
欄絡帶皆繡雲鳳銀梯主輦八十人 六芳輦 仙游

輦二輦制不可考 芳亭輦黑質幕屋緋欄皆繡雲鳳朱綠夾
窓花板紅網兩簾四竿銀飾梯主輦百二十人 大玉

輦小玉輦二輦制不可考 通輦亦名 屋赤質金塗

銀裝紅條輦官十二人夏春緋袂秋冬素錦服 步輦
聖宗統和三年駐蹕土河乘步輦聽政 羊車古輦車

赤質兩壁龜文鳳翅絳幘絡帶門簾皆繡瑞羊畫輪駕
以牛隋易果下馬童子十八人服繡瑞羊輓之 椅冊皇

太后儀皇帝乘椅自便殿轡至西便門

右輦之制椅雖非輦然用人轡是亦輦之類故附之

遼故俗便于鞍馬隨水草遷徙則有羶車任載有大車
婦人乘馬亦有小車富貴者加之華飾禁制踈闊貴于
適用惟帝后加隆焉

儀仗 步行擎執二千四百一十二人坐馬擎執二百
七十五人坐馬樂人一百七十三人步行教坊人七十
一人御馬牽擺官五十二人御馬二十六匹官僂馬牽
擺官六十六人坐馬掛甲人五百九十八人步行掛甲

人百六十人金甲二人神輿十二人長壽仙一人諸職
官等三百五人內侍一人引哨押衙二人赤縣令一人
府牧一人府吏二人少尹一人司錄一人工曹一人太
常少卿一人太常丞一人太常博士一人司徒一人太
僕卿一人鴻臚卿一人大理卿一人御史大夫一人侍
御史二人殿中侍御史二人監察御史一人兵部尚書
一人兵部侍郎一人兵部員外郎一人符寶郎一人左
右諸衛將軍三十五人左右諸折衝二十一人左右諸
果毅二十八人尚乘奉御二人排仗承直二人左右夾
騎二人都頭六人主師一十四人教坊司差押燾二人
左右金吾四人虞候伙飛一十六人鼓吹令一人漏刻

生一人押當官一人司天監一人令史一人司辰一人
統軍六人千牛備身二人左右親勳二人左右郎將四
人左右拾遺二人左右補闕二人起居舍人二人諫議
大夫二人給事中書舍人二人左右散騎常侍二人門
下侍郎二人中書侍郎二人鳴鞭二人內侍內差侍中
一人中書令一人監門校尉二人排列官二人武衛隊
正一人隨駕諸司供奉官三十人二班供奉官六十人
通事舍人四人御史中丞二人乘黃丞二人都尉一人
步行太僕令一人職官乘馬三百匹進馬四匹駕車馬
二十八匹人之數凡四千二百三十九馬之數凡千
五百二十

國仗 自大賀氏摩魯受唐鼓燾之賜是為國仗有十

二神燾十二旗十二鼓曲柄華蓋直柄華蓋其制甚簡

渤海仗 天顯四年太宗幸遼陽府人呈王備乘輿羽

衛以迎軋其五年聖宗東巡東京留守具儀衛以迎此

故渤海儀衛也其數不可考

金

金初得遼之儀物既而克宋于是乎有車輅之制熙宗幸
燕始用法駕迨至世宗制作乃定班班乎古矣

世宗大定十一年將有事于南郊命太常寺檢宋南郊禮
鹵簿當用玉輅金輅象輅革輅木輅耕根車明遠車指
南車記里鼓車崇德車皮軒車進賢車黃鉞車白鷺車

鸞旗車豹尾車輶車羊車各一革車五屬車十二除見
有車輅外闕象木輅耕根明遠皮軒進賢白鷺羊車大
輦各一革車三屬車四按五禮新儀玉輅以赭金輅以
緋象輅以銀褐革輅以黃木輅以皂蓋其物有合隨輅
之色者有當用別色者如玉輅用青絲繡雲龍絡帶青
羅繡寶相花帶青畫輶輪青鞮牛尾此隨輅之色者也
若象木革輅則當用緋用銀褐用黃及皂若至尊乘御
步武所及非若餘物但爲美觀其踏床倚背踏道之褥
皆用紅錦坐褥及行馬褥透壁輶簾三用銀褐黃青羅
錦三色又大輦宋陶穀創意爲之至祥符中以其太重
七百餘斤可見當時亦無定制各以意從長斟酌是

之其制金玉輅缺可見者象輅革輅木輅耕根皮軒進
賢明遠白鷺羊車革車大輦九十有一
象輅黃質金塗銅裝以象飾諸末輪衣以銀褐建大赤
餘同玉輅 革輅黃質鞞之以革金塗銅裝輪衣以黃
建大白餘同玉輅 木輅黑質漆之輪衣以皂建大麾
餘同玉輅 耕根車青質蓋三重制如玉輅而無玉飾
皮軒車赤質上有漆柱貫五輪相重畫虎紋一轅
進賢車赤質如革車緋輪衣絡帶門簾並鳳上設朱漆
床香案紫綾衣一轅 明遠車制如屋銳頂重簷勾欄
頂上有金四角垂鐸上層四面垂簾下層周以花板三
轅 白鷺車赤質周施花板上有漆柱柱杪刻爲鷺鷥

續文獻通考 卷之三百三十八 五
銜鵝毛笏紅綾帶柱貫五輪相重輪衣皂頂緋裙緋絡帶並繡飛鷺一轅 羊車赤質兩壁油畫龜紋金鳳翅幘衣結帶並繡瑞羊二轅

大輦赤質正方油畫金塗銀葉龍鳳裝其上四面施行龍雲朵火珠方鑑銀絲囊網珠翠結雲龍鈿窠霞于四角龍頭御香囊頂輪施耀葉中有銀蓮花坐龍紅綾裏碧牙壓帖內設員鑑香囊銀輪勾欄臺坐紫絲條網幘錯中施黃褥上置御座曲几香爐錦結綬几衣輪衣結帶並緋繡雲龍寶相花金綫壓長竿四飾以金塗銀龍頭畫梯托义行馬七寶輦制如大輦飾以玉裙網七寶滴子用真珠宋欽宗爲上室製海陵自沐取而用之

行仗則有法駕大駕黃麾仗凡行幸及郊廟祀享則用之其非大禮遠出則有常行儀衛宮中導從大抵模倣宋制錯綜增損而用之也

熙宗天眷二年幸燕始備法駕凡用士卒萬四千五十六人 法駕人數 攝官六百九十九人將軍大將軍四十三人折衝果毅一百二十六人校尉五十六人郎將三十四人帥兵官二百四十六人統軍六人都頭六人千牛一人旅師二人部轄指揮使二人押齎二人押衙四人四色官四人押旗二人引駕官四人進馬四人押仗通直二人押仗大將二人碧欄一十六人長史二人鼓吹令二人鼓吹丞二人典事五人太史令一人太史

正一人司丞一人府牧一人刻漏生四人縣令一人御史大夫一人僚佐一十人進輅職掌二人夾輅將軍二人陪轄將軍二人教馬官二人四省局官八人導駕官四十八人抱駕頭官一人執扇篋一人尚輦奉御二人殿中少監二人供奉職官二人令史四人書令史四人押仗二人殿中侍御史二十四人諸班直隊二千九百四十五人鈞容直三百六十六人人員七長執旗一百三十六人引駕六十二人人員二長駕頭天武官十二人執從物茶酒班一十一人御龍直仗劍六人天武把行門八人殿前班擊鞭一十人御龍直四十人人員二長骨一百三十四人部押二人殿前班行門三十五人

捧日馬隊七百人奉宸步隊七百人天武骨朵大劍三百一十人人員一十東第四班三十一人人員一長扇簾天武二十人捧日隊從領人員十七人簇輦茶酒班三十一人人員一長鈞容直三十一人人員一長招前班三十三人人員三長天武約欄三百一十人人員一十長行三車輅下駕士六百三十八人至輅下一百四十人人員一十長路馬四駕士一百二十八挾輅八金輅下六十四人控馬踏路四象輅下駕士四十人革輅木輅耕根車駕士同上革車二共五十人指南記里車各三十人輅車鸞旗皮軒車各十八人黃鉞豹尾車各一十五人屬車八共八十人輦輿下六百八十五人小輿一長行二十四人逍遙一共

續文獻通考卷之三百三十八 五百三十一

三十五人 什將節級九 平輦下四十二人 什將節級九

二十 腰輿共十九人 八員一什將虞候 大輦下三百七

十一人 掌輦人員四什將十二長 芳庭輦一長行六十

人御馬三十二共百三十四人 控馬天武官六十四挾

人押馬六人騎御馬直人 象二十三人 擎執人士共

八千七百七十一人 鼓吹樂工九百九十四人 馬

六千七十八匹

海陵天德二年祀廟用黃麾仗四千人世宗即位凡行幸

祀享並用三千人間亦不滿其數大定十一年前祀南

郊朝享太廟及至郊壇用大駕七千人此其大較也

口年海陵遷都于燕用黃麾仗一萬八百二十三人

內騎三千九百六十九分八節 第一節中道象二十

二人 節級二人 銅羅七寶鑰石銀鈎各一 鈇鈎二 小旗

鹿東 第一引七十二人 清道一 武弁緋雲鶴袍袴 臆弩

一赤平巾幘紉群 誕馬二控四人 赤平巾幘緋繡寶相

副 軺車一赤馬二駕士十八人 武弁緋繡維大袖衫

面包 縣令十員 朝衣坐 僚佐四員 並朝 控馬八人 錦帽

紫衫大 紫方傘一 黃抹額寶相花 朱團扇曲蓋各一 抹

額寶相花 青衣二 青平巾青衫袴 車輻捧二 赤平巾緋

帶赤 告止幡二執者六人 緋抹額寶相花 傳教幡一信

幡一各三人 並黃抹額寶相花 小戟十六 服同 第二引

二百六十四人清道二幟弩二誕馬四控八人 服並 擗

續文獻通考卷之二百二十八

鼓一金鉦一平巾幘緋網衫大鼓六黃雷花衫袴節一抹額抹帶

幢一麾一夾稍二角四儀刀十並平巾幘緋網寶相花

革車一赤馬四駕士二十五人武弁解牙大袖府牧一勒馬馬餘如前

員朝服僚佐四員控馬八人服並鏡鼓一簫二笳二笛

一篳篥一並平幘緋寶相大橫吹一緋苜紋袍袴青衣

四車輻棒四紫方傘一朱團扇四曲蓋一告止幡二六

人傳教幡二六人小戟四十服並刀盾三十六額寶相

花衫銀錦帽青寶相花稍三十六錦帽紫

袍革朱雀旗四平巾幘紫人折衝都尉三人平巾幘紫

口磅錦騰蛇平巾幘緋網寶朱雀旗一五人抹

額寶花衫革帶大口袴橫刀引夾人加弓矢弩六弓矢六稍十二並平巾

帶袴龍旗隊七十一人朝服引旗四人抹

額寶相花旗十二風伯旗一兩師旗一雷公旗一電

毋旗一北斗旗一五星旗一左右攝提旗一執夾共六

十人皆五色寶相花衫抹額革帶袴橫刀副竿二錦帽

相花衫護旗四人額黃抹太僕三車八十一人指南車

駕士三十人武弁緋袍緝孔雀記里鼓車駕士三十人

解多鸞旗車駕士十八人瑞鷹駕車赤馬十二執黑杖

者三人牙門旗隊二十八人分左白澤旗二執夾各五

人綠具冠人馬甲錦臂金吾牙門旗第一門牙門旗四

執夾十二人青寶相花抹額衫革帶大監門校尉六人

長脚幘頭緋抹額獅子兩當銀前部馬隊第一隊七十

人折衝果毅都尉二人錦帽緋辟邪袍袴角宿亢宿斗

宿牛宿旗四旗各五人並五色寶相花衫抹額弩六弓

矢十四並錦帽青寶相花衫革帶袴稍二十八緋色衫第二隊七十

人折衝果毅都尉二人白澤氏宿女宿房宿虛宿旗四

旗各五人弩六弓矢十四稍二十八服執第三隊七十

人折衝果毅都尉二人心宿危宿尾宿室宿旗四旗各

五人弩六弓矢十四稍二十八服執第二節金吾引

駕騎二十人折衝都尉二人平巾幘緋辟邪衫袴弩六弓

矢六稍六並平巾幘緋寶相花柄前部鼓吹五百四十七人

鼓吹令二人長脚幘頭綠公服府史四人長脚幘頭綠

前半臂部轄指揮使一人平巾幘紫寶相花衫革帶錦麟靴主帥四十

八人分五項平巾幘緋纓衫革帶袴執儀刀擗鼓金鈺各十二平巾幘緋纓衫銀帶

抹帶錦大鼓長鳴各百二十黃雲花衫鈺鼓十二緋草

抹額歌二十四拱辰管二十四簫二十四笳二十四服

鈺鼓無大橫吹百二十鈺鼓馬部第四隊六十人分左

折衝都尉二人服緋箕宿壁宿旗各一旗五人弩六弓

矢十四稍二十服執並第五隊六十人折衝都尉二

人奎宿井宿服執並一旗五人弩六弓矢十四稍二十八

人折衝都尉二人緋瑞婁宿鬼宿

弓矢十四稍二十八服執並第七

隊六十人折衝

六弓矢十四稍二十八服執並第八隊六十人折衝都

續文獻通考

尉二人昂宿星宿旗各一旗五人弩六弓矢十四稍二

十八服執並第九隊六十人折衝都尉二人赤豹袍畢宿

張宿旗各一旗五人弩六弓矢十四稍二十八服執並

第十隊七十人折衝都尉二人瑞馬袍紫宿翼宿參宿軫

宿旗各一旗五人弩六弓矢十四稍二十人服執並步

甲騎第一第二兩隊百一十人領軍衛將軍二人紫白

澤袍袴帶錦騰掣稍四平巾幘緋寶相折衝都尉四人

將軍鵝鷄旗二貌旗二各五人朱牟甲弓矢四十朱牟

甲刀盾四十兜牟甲身披錦臂鞞第三節中道前部

鼓吹第二百五百二十三人侍御節鼓二笛二十四簫二

十四篳篥二十四笳二十四桃皮篳篥二十四黑平山幘緋對

鸞衫銀袴勒主帥二十六人分四項華帶鞞儀柶鼓金

鉦各十二黑平巾幘緋對鸞衫銀小鼓百二十中鳴

百二十黃雷花袍袴羽葆鼓十二青直紋袍歌二十四

拱辰管二十四簫二十四笳二十四前色侍御史二員

朝黃麾幡一三人武弁緋寶相花衫銀袴勒步甲第三

隊五十二人折衝果毅都尉二人紫瑞馬袍玉馬旗二旗五

人青矛甲弓矢四十服執並第四隊五十二人折衝果

毅都尉二人瑞鷹袍三角獸旗二旗五人青矛甲刀盾四

十第五隊五十二人折衝果毅都尉二人白澤黃鹿旗

二旗五人黑牟甲弓矢四十第六隊五十二人折衝果

毅都尉二人服飛麟旗二旗五人黑牟甲刀盾四十第

七隊五十二人折衝果毅都尉二人赤豹 駃騠旗二旗

五人銀褐矛甲弓矢四十第八隊五十二人折衝果毅

都尉二人同服鸞旗二旗五人銀褐半甲刀盾四十第九

隊五十二人折衝果毅都尉二人瑞鷹 麟旗二旗五人黃

半甲弓矢四十第十隊五十二人馴象旗二旗五人黃

半甲刀盾四十如前金吾牙門旗第二門牙門旗四執

夾十二人監門校尉六人服執同 第一門左右屯衛將軍二人

平巾幘紫飛麟袍大口袴 絳引幡二十執者六十人武

錦薦蛇革帶橫刀弓矢 第四節中道六軍儀二百五十二

人統軍六人花脚幘頭紫綠抹額孔雀袍 都頭六人長

幘頭紫寶相花 神武軍旗二羽林軍旗二龍武軍旗二

旗各五人執人錦幘引排欄旗四十八吏兵旗四方士

旗四赤豹旗四黃熊旗四龍君旗四虎君旗四掩尾天

馬旗六旗一人錦幘五色寶相花 白籥鎗九十交角幘

寶相花衫抹 柯舒二十四並貼金幘五色 引

駕龍墀隊六十五人排仗通直二人排仗大將二人並

脚幘頭紫公服紅 天王旗四十二辰旗各一旗一人並

鞋帶絲鞞烏皮鞋 天下太平旗一五方龍旗五旗五人執

衫革帶臂鞞 錦幘引夾人貼金幘 君王萬歲旗一月月旗各一旗五

人執人錦幘引夾人貼金幘 御馬六十六人馬十六匹匹四

人控馬三十二人貼金幘紫寶相花衫革帶 廣武節級

一人錦幘執黑杖 管押騎御馬直人員一人皂幘紅錦

東帶中道隊三十二人大將軍一人朝衣日月合璧旗一絲鞞

芑紋旗二五星連珠旗一祥雲旗二旗各五人前所

長壽幢一平巾緋緋寶相花金吾細仗一百人青龍旗

一白虎旗一五嶽神旗五方神旗五旗各四人並四

相花衫青黃銀褐皂抹押旗二人長脚幞頭紫公服五

方龍旗各三五方鳳旗各三旗一人紅鞞角帶烏皮鞞

旗四旗五人並皂寶相花衫抹額黃麾前第一部二百

七十二人殿中侍御史三人朝服左右屯衛大將軍二人

折衝都尉二人平巾幘紫飛龍頭竿一百揭鼓六儀鎗斧二十小

平巾幘緋寶相花龍頭竿一百揭鼓六儀鎗斧二十小

二十弓矢四十朱滕絡刀盾二十稍二十綠滕絡刀

盾二十並青花衫抹額第二部二百七十二人殿中侍

御史二人左右領軍衛大將軍二人折衝都尉二人紫

白澤主帥二十人龍頭竿一百揭鼓六儀鎗斧二十小

戟二十弓矢四十朱滕絡刀盾二十稍二十綠滕絡刀

盾二十緋第三部二百七十二人殿中侍御史二人

左右屯衛大將軍二人折衝都尉二人紫瑞主帥二十

人龍頭竿一百揭鼓六儀鎗斧二十小戟二十弓矢四

十朱滕絡刀盾二十稍二十綠滕絡刀盾二十服並黃

部第五節中道八寶三百人舉士九十六人平巾幘

花衫大口袴籠燭三十二大佩銀腰帶行馬十六緋寶

碧欄官十六人弓脚幞頭碧欄衫銅束帶符寶郎八人

長脚幘頭綠公服 角帶槐簡步導 援寶三十人人員二人 武弁紫寶相

杖 黑漆 長行三十人 緋寶相花衫 香案八轎士三十二人

龍行馬 案後金吾仗六方傘二大雉扇四 服並同 金吾

仗十二人四色官四人 長脚幘頭綠公服大口袴金銅

金銅 儀刀 押仗二人 長脚幘頭紫公服 金甲二人 披膊兜牟

備勒 進馬四人 平巾紫犀牛襖檔 金吾引駕四十九人

千牛將軍一人千牛十人郎將二人 並緋繡抹額紫犀

袴橫刀弓矢珂馬將軍平巾幘無 長史二人 長脚幘頭

抹額千牛郎將花脚幘頭餘同 烏皮靴 引駕官四人 長脚幘頭紫公

傘二小雉扇四華蓋二香燈一座八人火燎一二人 武

緋寶相花大袖 腰輿人員什將三人 皂帽紅錦襖塗金

長行十六人 奉脚幘頭紅錦四 排列官二人 長脚幘頭

鞋帶烏 小輿二十四人 白鞵銀束帶 逍遙輦人員什將

共十六人 皂帽塗金銀束帶紅錦方 長行二十六人 紅

白獅錦襖塗金 平輦人員什將十六人 皂帽紅錦團 輿輦

共一百三人諸班開道旗隊一百七十七人開道旗一

鐵甲兜牟紅背 皂纛旗十二旗一人 黑漆鐵笠皂 引駕

六十二人 皂帽紅錦團襖紅背子 輔龍直一百二人 皂

紅背子骨朵 黃麾前第四部二百七十二人殿中侍御

史二人左右武衛大將軍二人折衝都尉二人主帥二

十人龍頭竿一百揭鼓六儀鎗斧二十小戟二十弓矢

四十朱勝絡刀盾二十稍二十綠勝絡刀盾二十 黃寶

相花

衫餘並如前第一部除左右驍衛大將軍與都尉服赤豹袍龍第五部二百七十二人

竿以下服銀褐花衫餘除將軍第六部二百七十二人

瑞馬袍龍竿以下服銀褐花衫餘都尉服第六節中道門旗隊一

百二十三人騎執門旗四十五方色龍旗十步執紅龍

門旗六十麋旗一簇輦紅龍旗八日月旗二麟旗一鳳

旗一旗皆一人並鉄甲兜牟紅錦襖紅背子馬執金輅

皇太后乘之公主侍駕士九十四人赤平巾幘緋纁對

袴鞋擊鞭內侍十人皂帽紅錦襖駕頭下御床抱駕頭

內侍一人長脚幘頭紫羅公控馬二人錦帽錦絡纒寬

廣武官十二人銀束帶襖茶酒班執從物十一人水碓

二香毬二唾盂一厮鑼一手巾一御椅三人踏床一帽

共百三十人拱聖直人員二人長行

三十八人真珠頭巾紅錦導駕官四十二人服朝

八十四錦帽紫絡纒寬仗劍六人皂帽紅錦

廣武把行門八人殿班把行門三十五人服並如王輅

帝后同乘駕士百二十八人朕如金輅千牛將軍一人

太子陪坐左右點檢二人披金夾輅大將軍二人陪輅

將軍二人並朝進輅職掌二人長脚幘頭紫寬教馬官

二人長脚幘頭紫寬部押二人皂袍鉄甲紅

輅八人控踏路馬四人馬二匹銀面包尾共一百五十

三人龍翔馬隊二十隊六百二十人分左右每隊人員

三人皂帽鉄甲紅錦殿士二十八人鉄甲紅錦

子引矢知骨柔甲馬

貴文大司考

卷之二

畜充翁

甲馬器械東第五班金鎗六隊每隊旗三人鎗二十五人內二十人佩共一百六十八人並裹鉄兜銀鎗六隊每隊旗

三人鎗二十五人內二十人佩共一百六十人並裹鉄兜東

第四班二隊每隊旗三人弩二十五人共五十六人並裹鉄兜

神勇步隊七百人分左右作四重每重人員十人紅錦

長行六百六十人並裹鉄兜內拱聖骨朶直一

百六十四人拱聖鎗直一百六十四人內執子旗者拱

聖弓箭直一百六十六人執骨朶拱聖弩直一百六

十六人執骨朶廣武骨朶大劔三百一十人指揮使五人

都頭五人紅錦長行三百人內一

駕官四十二員從者八十四人服巴青龍白虎隊五十

二人果毅都尉二人青龍旗一白虎旗一旗五人弩六

人弓矢十四稍二十服巴第七節中道駕後輔龍直

等二十一人拍板一篳篥十五笛十四人員一人長行

三十人樂器自備並皂笠紅錦襖塗翦篋二十五人執

篋官一人控馬二人服並如紅龍扇二長脚頭紫公

廣武二人錦帽繡寬襖白襖銀束帶七寶輦舉士四十

二人什將人員十六人皂帽長行二十六人盤裹幟

五人服同紅羅大傘二大雉扇八小雉扇八紅羅繡華

蓋一武弁繡寶相花衫朱團扇八黃寶相真武幟一寶

相花 睥睨八緋寶相花大袖 麾一幢紫寶相花衫 後部鼓吹

三百三十七人鼓吹丞二人典士四人都轄指揮使一

人主帥十八人金鈺柶鼓各三羽葆鼓十二歌二十四

拱辰管二十四簫二十四笳二十四節鼓二撓鼓十二

歌十六簫二十四笳二十四小鼓吹一百二十青蓋紋

抹帶餘 金吾牙門第三門牙門旗四旗三人監門校尉

六人服執同 黃麾後第一部二百七十二人第二部二

百七十二人第三部二百七十二人殿中侍御衛大將

軍折衝都尉龍頭竿以下各色並如前三部 第八節

中道後部鼓吹等二百二十八笛二十四簫二十四笳

篋二十四笳二十四桃皮篋篋二十四服並 如前屬車八

二十四駕士八十人武弁緋對鶴大袖 黃鉞車亦馬

二駕士十五人武弁緋對鶴大袖 豹尾車赤馬二駕士

十五人武弁緋立豹大袖 玄武隊六十一人金吾折衝

都尉一人平巾績紫辟邪袍革 爆稍二平巾績緋寶相

仙童旗一玄武旗一騰蛇旗一神立旗一旗五人服執

例稍十九弓矢十五弩四平巾績緋寶相 黃麾後第四

部二百七十二人第五部二百七十二人第六部二百

七十二人攝官名數服色並如前第四第五第六部絳

引幡二十執者六十人並武弁緋緝寶相花 諸從駕官

並于仗後陪從朝服不足者公服足應乘馬者

世宗大定三年裕享用黃麾仗三千人分四節 第一節

無縣令府牧即用黃麾前三部次前部鼓吹次金吾牙
 門旗次駕頭次引駕龍墀隊次天王十二辰等旗 第
 二節黃麾第四第五部次君王萬歲日月旗次御馬內
 增控馬司圍挾馬司圍各二十六人次日月合璧五星
 連珠等旗次八寶內增執黑杖傳唱一十八人在香案
 前次七寶輦 第三節黃麾後第一第二部次玉輅次
 栲栳隊次導駕門仗官 第四節黃麾後第三第四第
 五部次金輅次牙門旗次後部鼓吹大定六年九月西
 京還都用黃麾仗二千五百四十二人 攝官 七百六
 十二匹分四節 第一節攝官五十一人執擎二百二
 十人 樂工一百七十人 第二節攝官二十二人執擎三
 百七十六人 第三節仗內攝官四十四人導駕官四
 十二人門仗官一百人玉輅青馬八駕士一百四十人
 護駕栲栳隊五百人執擎二百四十二人 第四節攝
 官五十人金輅赤馬八駕士九十四人控鶴二十二
 人 樂工八十四人執擎二百九十人 是歲世宗還自西
 京有司備儀仗皇太子乘金輅上疑其非禮以問禮官
 無能知者上怒皆責降明年將冊皇太子宰臣奏當儀
 仗告廟上曰前朕受尊號謁廟但令朕用宋真宗故事
 朝服乘馬于禮甚輕今皇太子乃用備禮何耶丞相良
 弼謝上徐曰此文臣因循不加意耳先是凡行幸皆役
 民執仗是後詔以軍士易之大定十一年將有事于南

續文獻通考 卷之三十三 七

郊朝享太廟左右石瑒奏其禮上曰前朝漢人祭天惟

務整肅儀仗此自奉耳非敬天也朕謂祭天在誠不在

儀仗之盛也其減半用之于是遂增損黃麾仗為大駕

鹵簿凡用七千人攝官在內第一節第一引七十人縣令

第二引二百六十四人府牧第三引二百二十九人御

史大夫名色與府牧同頗損其數而增行止旗一第

二節金吾皂纛一十二人朱雀隊三十四人指南記里

鼓車皆五十二人鸞旗車一十八人前隊鼓吹一百二

十九人清游隊七十二人內白澤旗五人綠貝裝冠綠皮甲勒皮錦

青鞵橫刀引夾加弓折衝都尉二人黑平巾幘紫繡辟

綠皮馬甲包尾全弩六弓矢二十四稍三十並錦帽青繡寶

口袴佩橫刀矢虞候吹飛三十人鈇甲兜弁橫刀鈇甲

飛一十六人如前部馬隊第一隊六十四人第二第

三隊皆六十人第四第五隊皆五十八人受仗五十

四人內帥兵官二人黑平巾幘緋寶相花衫革受二十

六又二十六額行止旗一緋繡寶相花

甲隊第一至第五隊皆四十二人衙門旗二十人黃麾

前第一節一百五十人第二節一百二十人受仗五

十八人行止旗一 第四節黃麾幡三人六軍儀仗二

百二十六人御馬三十三人黃麾前第三至第五部皆

一百二十人青龍白虎隊五十二人戈叉仗五十六人
行止旗一 第五節八寶二百三十二人平頭輦三十

人七寶輦四十二人班劍儀刀隊二百人內將軍二人

折衝都尉二人 平巾幘緋碎和袍革帶銀班劍儀刀各

九十人 並平巾幘緋繡寶相花衫革帶 驍衛翊衛隊六

十人內供奉郎將二員 黑平巾幘緋繡瑞馬袍革 鳳旗

二各五人 如前執弩弓矢稍皆一十六 夾轂隊第

一隊九十二人內折衝都尉二人 平巾幘緋繡飛麟袍

儀寶符旗二各五人朱蓋甲刀盾八十 朱甲錦臂鞞第

二隊八十二人內果毅都尉二人 白澤 飛黃旗二各五

人銀褐蓋甲刀盾七十第三隊八十八人內果毅都尉

二人 赤和 吉利旗二各五人皂蓋甲刀盾七十戈叉仗

五十六人行止旗一 第六節馬步門旗隊一百人駕

頭一十五人廣武官茶酒班執從物者二十三人御

直四十人 紅錦團襖 內人員二 皂帽三十八 玉輅一百

五十一人栲栳隊五百人內金鎗隊一百二十六人分

左右人員十八 並鈇甲皂帽紅錦背子 長行一百八人

鈇甲兜牟紅錦背子錦臂 鐵甲馬紅錦包尾執金鎗 銀鎗隊一百二十六人人員

十八長行一百八人 上銀鎗 弓箭直步隊一百二十四

人人員四 鈇甲皂帽紅錦團花戰 長行一百二十人

鐵笠紅錦團花戰 袍鐵甲弓矢骨朵 骨朵直步隊一百二十四人人員四

長行一百二十人 服甲同上 金吾牙門旗二十人黃麾

後第一部一百五十人第二部一百二十人及又仗五

十二人行止旗一 第七節扇篋二十五人金輅九十

四人大安輦一百八十一人內尚輦奉御二人殿中少

監二人奉職官二人並公令史四人書令史四人七人

幘緋四綵素衫銀褐抹帶大口袴皂靴掌輦四人武弁

一人長脚幘頭紫羅公服角帶皂靴黃繡

寶相花衫銀褐抹帶大口袴人員十二皂帽紅錦團襖銅束帶內昇

士一百五十一人服同御馬三十三人持鈇隊三十九

人後部鼓吹一百六十人黃麾後第三至第五部皆一

百二十人後步甲隊第一至第二隊皆四十二人及又

仗五十六人行止旗一 第八節後部鼓吹第二一百

四十人象輅革輅木輅皆五十人進賢車二十五人豹

尾車一十八人屬車八十八人玄武隊六十一人後步甲

隊第三至第五隊皆四十二人金吾牙門旗二十人後

步馬隊第一隊七十六人第二隊六十四人第三隊六

十人及又仗六十人行止旗一後分行俱以上名數與

黃麾同者不重述

章宗明昌五年六月尚書省奏大定六年世宗自西京還

都採宋省方還京之儀用黃麾仗二千人及金玉輅擗

棹隊甲騎五百人導駕官四十二員自後遂不復用屬

車駕幸景明宮還都之日宜依用之制可承安元年省

臣奏南郊大禮鹵簿當用人二萬一千二百一十八馬

八千一百九十八世宗親行郊祀仗用七千人今擬大

定制外量添甲卒三百栲栳隊執搗人二百四十八通
七千五百四十八人仍分八節從之泰和六年上欲親
行祀享命有司計其役費尚書省奏當用仗三千五百
人錢一萬餘貫馬八百六十五匹舊例馬皆借用于民
親軍班祇皆自備從事今軍旅方興官馬已備緩急不
可借用民亦不可重擾宜令有司攝事上詔再議之八
年四月禘于太廟依元年例用黃麾仗三千人屯門仗
五百人

常行儀仗衛 弩手二百人軍使五人控鶴二百人首
領四人俱服紅地藏根牡丹錦襖金鳳花交角幘頭塗
金銀束帶控鶴或皂帽碧襖各執金塗銀蒜瓣骨朵長
行四百人拳脚幘頭紅錦四襖襖塗金束帶二人紫衫
前導無執物餘執刻絲骨朵七十八瓜八十八鐙三十
四在控鶴前金吾仗八十金花大劔六十俱垂紅絨結
子儀鎗斧五十八在控鶴後其常朝御殿郊廟臨幸凡
步輦出入則有近侍導從執金鍍銀骨朵者二人左右
扇十人佛子四人香盒二人香毬二人節二人幢二人
盃一人唾壺一人淨巾一人鐙鑼一人水罐一人交椅
一人斧一人皇帝出閣則分立閣門之外導引至殿皇
帝升座則降階以俟入閣然後放仗

十一上圍九者二中圍九者三下圍九者四頂輪衣三
重上二重青繡雲龍瑞草下一重無文輪衣內黃屋一
黃素紵絲瀝水下垂朱絲結網一周青紵絲繡絡帶二頂輪
十八帶頭綴金塗小銅鈴三百青紵絲繡絡帶二頂輪
平素面夾用青紵絲蓋之四周垂流蘇八飾以五色絨
線結網五重金塗銅鈸五金塗木珠二十有五又繫玉
雜佩八珩璜衝瑤全金塗鍮石鈎掛十六黃絨貫頂天
心直下十字繩二各長三丈蓋下立朱漆柱四柱下直
平盤虛櫃中櫺三十其下外櫺二漆繪犀象鸚鵡錦雉
孔雀隔窠嵌裝花板櫃上周遭朱漆勾闌雲拱地震葉
百七十有九下垂牙護泥虛板并朱漆畫瑞草勾闌上
玉行擺十碾玉蹲龍十孔雀羽臺九水晶面火珠七金
圈煇銅照八輿下周垂朱絲結網飾以金塗鍮石鐸三
百綵畫鍮石梅萼嵌網眼中輿之長轅三界轅勾心各
三上下龍頭六前轅引手玉螭頭三並繫以蹲龍後轅
方卷頭三枕頭十六綵以蹲龍三轅頭衡一兩端玉龍
頭二上列金塗銅鳳十二含以金塗銅鈴輿之軸一輪
二軸之掌羅二明鞞蹲龍綵並青漆輪之輻各二十四
轂首壓貼金塗銅轂葉八十一金塗鍮石擎耳戀攀四
櫃之前朱漆金裝雲龍輅牌一牌字以玉裝綴輅之箱
四壁雕鏤漆畫填心隔窠龜文華板上層左畫青龍右
畫白虎前畫朱雀後畫玄武輅之前額玉行龍二鳳一

水晶珠後額如之前兩柱青絨鈴索五貼金鸞和大纓
銅鈴十金塗鑰石雙魚五下朱漆軾櫃一櫃上金香毬
一金香寶金香合銀灰盤各一並黃絲綬帶輅之後朱
漆後軾一金塗曲戍黃紵絲銷金雲龍門簾一緋紵絲
繡雲龍帶二輅之中金塗鑰石較碾玉龍椅一靠背
金塗圈焰玉明珠一左建太常旂十有二九旂青羅繡
日月五星升龍右建關戟一九旂青羅繡雲龍中央黃
羅繡青黑黼文兩旗稠杠並青羅旗首金塗鑰石龍頭
二金塗銅鈴二金塗鑰石鈹青纓綉十二重金塗木珠
流蘇十二重龍椅上方坐一綠褥一皆錦銷金黃羅夾
帕一方輿地褥二勾闌內褥八皆用雜錦綺青漆金塗

輸石較葉路道一小褥五重青漆雕木塗金龍頭行

一小青漆梯一青漆柄金塗長托叉二短托叉二金塗
首青漆推竿一青絨引輅索二各長六丈餘金塗銅環
二黃絨綏一輅馬誕馬並青色鞍轡鞦勒纓拂鞞並青
膏金飾誕馬青織金紵絲縹四青羅銷金絹裏籠鞍六
蓋輅黃絹大蒙帕一黃油絹帕一駕士平巾大袖並青
繪紵絲爲之 金輅赤質金粧 象輅黃質金粧 革
輅白質金粧 木輅黑質金粧餘俱與玉輅同第其色
各隨其方 腰輿制以香木後背作山字牙嵌七寶粧
雲龍屏風上施金圈焰明珠兩傍引手屏風下施雕鏤
雲龍床坐前有踏床可貼錦褥一坐上貂鼠緣金錦條

褥綠可貼方坐 象轎駕以象凡巡幸則御之

儀仗 皂熏建纓于素漆竿凡行幸則先驅建熏夾以

馬鼓 絳麾金塗竿上施圓盤朱纓拂三層紫羅袋韜

之 金節制如麾八層韜以黃羅雲龍袋又引導節金

塗龍頭朱漆竿懸五色拂上施銅鈸 幢四制如節分

朱雀青龍白虎玄武各如其色為袋韜之 爆襖制如

節頂刻爆牛首有袋上加碧油 絳引幡四角朱綠蓋

每角垂羅文雜佩繫于金銅鈎竿竿以朱飾懸五色間

罩羅下有橫木板作碾王文 告止幡緋帛錯綵為告

止字承以雙鳳立仗者紅羅銷金飛龍飾如絳引 傳

文幡制如告止幡錯綵為傳教字承以雙白虎立仗者

白羅繪雲龍 信幡制如傳教幡錯綵為信字承以雙

龍立仗者繪飛龍 黃麾旛制如信旛錯綵為黃麾篆

龍頭竿繡斲竿如戟無鈎下有小橫木刻龍頭垂朱

綠蓋每角綴珠佩一帶帶末有金銅鈴 圍子制以金

塗攢竹杖首貫銅錢而以紫絹冒之 副竿制以木朱

漆之 火輪竿制以白鐵為小車輪建于白鉄竿首輪

及竿皆金塗之上書西天呪語帝師所制常行為親衛

中道正行在劈正斧之前以衛佛法以祛邪僻以鎮轟

雷蓋辟惡車之意也 豹尾竿制如戟繫豹尾朱漆竿

寶輿方案緋羅銷金雲龍索衣緋羅銷金蒙觀複案

傍有金塗鐵鞫四龍頭竿結綬二副之 香蹬朱漆案

黃羅銷金雲龍案衣上設金塗香爐一燭臺二案旁金塗鐵鞦四龍頭竿結綬二副之 香案朱漆緋羅銷金雲龍案衣上設金香爐盒各一餘同香蹬殿廷陳設則除龍頭竿結綬 詔案冊案寶案俱制如前 表案制如香案加矮闌金塗鐵鞦四竿二副之緋羅銷金蒙複禮物案制同 交椅銀飾之塗以黃金 杌子四脚小床銀飾之塗以黃金 鳴鞭綠柄鞭以梅紅絲爲之稍用黃絨而漬以蠟 鞭桶制以紫絛表白絹裏皮緣兩末 蒙鞍青錦緣緋錦複 水瓶制如湯瓶有蓋有提有紫銀爲之塗以黃金 鹿盧制如人字兩頭卷塗金粧銀朱絲繩副之 水盆黃金塗銀粧銀爲之 淨

巾緋羅銷金雲龍有裏 香毬制以銀爲座上插蓮花爐爐上罩以圓毬鍍細緇旋轉文于上黃金塗之 香盒制以銀徑七寸塗黃金銀雲龍于上 金拂紅犛牛尾爲之黃金塗龍頭柄 唾壺制以銀寬緣虛腹有蓋黃金塗之 唾盃制以銀形圓如缶有蓋黃金塗之外辦牌制以象牙書國字背書漢字填以金 外脩牌制如前 中嚴牌制如前 時牌制同外脩而小 板位制以木長一尺二寸闊一尺厚六分白髹黑字 大織赤質四角銅螭 塗以黃金紫羅表緋絹裏頂加金浮圖 紫方織制如大織而表以紫羅 紅方織制如大織而表以緋羅 華蓋制如織而員頂隆起赤質繡

雜花雲龍上施金浮圖 曲盖制如華盖緋羅水繡瑞
草曲柄上施金浮圖 導盖制如曲盖緋羅瀝水繡龍
朱漆直柄 朱繖制如導盖而無文 黃繖制如朱繖
而色黃 寶盖金塗龍頭竿懸以纓絡銷金圓裙六角
葆盖 孔雀盖朱漆竿首建小盖盖頂以孔雀毛徑尺
許下垂孔雀尾簷下以青黃紅瀝水圍之上施金浮圖
盖居竿三之一竿塗以黃金書西天呪語火輪竿同

朱團扇緋羅繡盤龍朱漆柄金銅飾導駕團扇處金線
大雉扇制稍長下方而上摺緋羅繡象雉尾中有雙
孔雀間以雜花下朱漆橫木連柄金銅裝 中雉扇制
如大雉扇而減小 小雉扇制如中雉扇而減小 青

瀝水扇制圓而青色四周瀝水以青絹 鼻朱勝結網
二螭首銜紅絲拂中有獸面朱漆柄金銅裝 罕制形
如扇朱勝網中有獸面朱漆柄金銅裝 旗扇錡即坐
也旗錡制十字木于下上四枝交拱置竅于其上以樹
旗扇錡制如梔形小六木拱于上而制作精于旗錡二
錡並漆以朱 風伯旗青質赤火焰脚畫神人大首朱
髮鬼形豹汗膊朱袴肩囊立雲氣中 雨師旗赤質赤
火燄脚畫神人冠五梁冠朱衣黃袍黑襪黃帶白袴皂
舄右手仗劍左手搥鐘 雷公旗青質赤火燄脚畫神
人大首鬼形白擁項朱犢鼻黃帶右手持斧左手持鑿
運連鼓于火中 電母旗青質赤火燄脚畫神人為女

子形纁衣朱裳白袴两手運光 金星旗素質赤火焰

脚畫神人冠五梁冠素衣皂襪朱裳秉圭 水星旗墨

質赤火燄脚畫神人冠五梁冠皂衣皂襪綠裳秉圭

木星旗青質赤火焰脚畫神人冠五梁冠青衣皂襪朱

裳秉圭 火星旗赤質青火燄脚畫神人冠五梁冠朱

衣皂襪綠裳秉圭 土星旗黃質赤火焰脚畫神人冠

五梁冠黃衣皂襪綠裳秉圭 攝提旗赤質赤火焰脚

畫神人冠五梁冠素中單黃衣朱蔽膝綠裳仗劍 北

斗旗黑質赤火燄脚畫七星 角宿旗青質赤火燄脚

畫神人爲女子形露髮朱袍黑襪立雲氣中持蓮荷仗

神人冠五梁冠素衣朱袍皂襪皂帶黃裳持黑符子繪四星

下繪龍 氏宿旗青質赤火燄脚畫神人冠小冠衣金

甲朱衣綠包肚朱擁項白袴左手仗劍乘一鱉外仗繪四星

繪 房宿旗青質赤火燄脚畫神人烏巾白中單碧袍

黑襪朱蔽膝黃帶黃裙朱烏左手仗劍外仗繪四星

宿旗青質赤火燄脚畫神人冠五梁冠朱袍皂襪右手

持杖外仗繪三星 尾宿旗青質赤火燄脚畫神人冠東

髮冠素衣黃袍朱裳青帶右手仗劍左手持弓外仗繪九星

繪 箕宿旗青質赤火燄脚畫神人烏巾衣淺朱袍皂

襪仗劍乘白馬于火中外仗繪四星 斗宿旗青質赤火

燄脚畫神人被髮素腰裙朱帶左手持杖外仗繪六星

牛宿旗青質赤火燄脚畫神人牛首皂欄黃裳皂烏外仗

繪六星女宿旗青質赤火燄脚畫神人烏牛首衣朱下繪牛

服皂欄黃帶烏鞞左手持蓮外仗繪四星虛宿旗青下繪龜

質赤火燄脚畫神人被髮裸形坐于甕中右手持一珠

外仗繪二危宿旗青質赤火燄脚畫神人虎首金甲呈下繪

衣朱服豹皮汗膊青帶烏鞞外仗上繪三室宿旗青呈下繪

質赤火燄脚畫神人髮朱服乘舟水中外仗繪二

壁宿旗青質赤火燄脚畫神人為女子形披髮朱服皂

欄綠帶白裳烏鞞外仗繪二奎宿旗青質赤火燄脚

繪神人狼首朱服金甲綠包肚白汗膊黃帶烏鞞仗劍

婁宿旗青質赤火燄脚畫神人烏巾素

衣皂袍朱蔽膝黃帶綠裳烏烏左手持牛角右手仗劍

外仗繪三胃宿旗青質赤火燄脚畫神人被髮裸形呈下繪狗

披豹皮白腰裙黃帶右手仗劍外仗繪三昂宿旗青

質赤火燄脚畫神人黃牛首朱服皂欄黃裳朱烏左手

持如意外仗繪七畢宿旗青質赤火燄脚畫神人作

兕形朱視持黑杖乘赤馬行于火中外仗上繪八觜

宿旗青質赤火燄脚畫神人冠緇布冠朱服皂欄綠裳

持一蓮坐于雲氣中外仗繪三參宿旗青質赤火燄

脚繪神人披髮衣黃袍綠裳朱帶朱烏左手持珠外仗

繪十星井宿旗青質赤火燄脚畫神人烏巾表衣朱

袍皂欄坐于雲氣中左手持蓮外仗繪八鬼宿旗青

繪十星繪十星

繪十星

繪十星

繪十星

質赤火燄脚繪神人作女子形披髮素衣朱袍黃帶黃

裳烏鳥右手持杖外伏繪五星下繪羊

柳宿旗青質赤火燄脚

繪神人作女子形露髻朱衣黑襪黃裳皂鳥撫一青龍

外伏繪八星下繪羊

星宿旗青質赤火燄脚繪神人冠五梁冠

浸朱袍皂襪青帶黃裳烏鳥持黃稱外伏繪七星下繪馬

張宿

旗青質赤火燄脚繪神人衣豹皮朱帶素鞞右手仗劍

坐于雲氣中外伏繪六星下繪鹿

翼宿旗青質赤火燄脚繪神

人冠道冠皂袍黃裳朱蔽膝仗劍履皮于雲氣中外伏繪二

十二星下繪蛇

軫宿旗青質赤火燄脚繪神人冠道冠衣朱

袍黃帶黃裳左手持書外伏繪四星下繪蚓

日旗青質赤火燄

脚繪日于上奉以雲氣

月旗青質赤火燄繪月于上

奉以雲氣

祥雲旗青質赤火燄脚繪五色雲氣

人

壁旗青質赤火燄脚繪雲氣日月

連珠旗青質赤火

燄脚繪五星

東嶽旗青質赤火燄脚繪神人冠七梁

冠黃襪青袍綠裳白中單素蔽膝執圭

南嶽旗青質赤火燄脚繪神人冠七梁冠

赤火燄脚繪神人冠七梁冠黑襪緋袍綠裳黃中單朱

蔽膝執圭

中嶽旗黃質赤火燄脚繪神人冠七梁冠

皂襪黃袍綠裳白中單朱蔽膝執圭

西嶽旗白質赤

火燄脚繪神人冠七梁冠青襪白袍緋裳白中單素蔽

膝執圭

北嶽旗黑質赤火燄脚繪神人冠七梁冠紅

襪皂袍綠裳白中單素蔽膝執圭

江瀆旗赤質青火

燄脚繪神人冠七梁冠青襪朱袍跨赤龍

河瀆旗黑

質赤火燄脚繪神人冠七梁冠皂欄黃袍跨青龍 淮

瀆旗素質赤火燄脚繪神人冠七梁冠皂欄素袍乘青

鯉 濟瀆旗青質赤火燄脚繪神人冠七梁冠皂欄青

袍乘一鯢 天下太平旗赤質青火燄脚錯采為字

皇帝萬歲旗赤質青火燄脚錯采為字 吏兵旗黑質

赤火燄脚繪神人具甲兜鍪綠臂鞞仗劍 力士旗白

質赤火燄脚繪神人武士冠緋袍金甲汗膝皂履執戈

盾 東天王旗青質赤火燄脚繪神人武士冠衣金甲

緋襖襠右手執戟左手捧塔履石 南天王旗赤質青

火燄脚繪神人 西天王旗白質赤火燄脚繪神人

北天王旗黑質赤火燄脚繪神人 冠眼俱 大神旗

質黃火燄脚 詳見牙門旗下 牙門旗赤質赤火燄脚繪神人

冠武士冠鎧甲襖襠襯肩包脚汗膝長帶大口袴執戈

盾 金鼓旗黃質黃火燄脚書金鼓字 朱雀旗赤質

赤火燄脚繪朱雀其形如鸞 玄武青龍白虎旗俱如之 龍君旗青

質赤火燄脚繪神人冠通真冠服青繡衣白裙朱履執

戟引青龍 虎君旗白質赤火燄脚繪神人冠流精冠

服素羅繡衣朱裙朱履執斬蛇劍引白虎 大黃龍負

圖旗赤質青火燄脚繡複身黃龍背八卦 小黃龍負

圖旗赤質青火燄脚繪複身黃龍背八卦 五色龍旗

五色質五色直脚無火燄 大四色龍旗青赤黃白四

色質具火燄脚 小四色龍旗制同大四色直脚無火

燄 應龍旗赤質赤火焰脚繪飛龍 金鸞旗赤質赤

火燄脚繪鸞而金色 鸞旗制同前而繪以五采 金

鳳旗赤質青火燄脚繪鳳而金色 鳳旗制如前而繪

以五采 五色鳳旗五色質五色直脚無火燄 大四

色鳳旗青赤黃白四色質火燄脚色隨其質繪鳳 小

四色鳳旗制同前直脚無火燄 王馬旗赤質青火燄

脚繪白馬兩膊有火燄 馱馱旗赤質青火燄脚繪白

馬 飛黃旗赤質赤火燄脚形如馬色黃有兩翼 驪

騮旗赤質青火燄脚繪獸形如馬白首虎文赤尾 龍

馬旗赤質青火燄脚繪龍馬 麟旗赤質青火燄脚繪

麒麟 飛麟旗赤質青 脚繪飛麟其形五色身朱

兩角長爪 黃鹿旗赤質青火燄脚繪獸如鹿而色

深黃 兕旗赤質青火燄脚繪獸似牛一角青色 犀

牛旗赤質青火燄脚繪犀牛 金牛旗赤質青火焰脚

繪獸形如牛金色 白狼旗赤質青火燄脚繪白狼

辟邪旗赤質赤火燄脚繪獸形似鹿長尾二角 赤熊

旗赤質赤火燄脚繪獸如熊色黃 三角獸旗赤質赤

火燄脚繪獸其首類白澤綠髮三角青質白腹跋尾綠

色 角端旗赤質赤火燄脚繪獸如羊而小尾頂有獨

角 騶牙旗赤質青火燄脚繪獸形似麋齒前後一齊

太平旗赤質青火燄脚金描蓮花四上金書天下太

平字 鷓鴣旗赤質青火燄脚繪鳥似山鷄而小冠皆

黃腹赤項綠尾紅 蒼鳥旗赤質青火燄脚繪鳥如鳥
而色蒼 白澤旗赤質赤火燄脚繪獸虎首朱髮而有

角龍身 東方神旗綠質赤火焰脚繪神人金兜牟金

鎧甲仗劍已下四旗所繪神同 西方神旗白質赤火燄脚 中

央神旗黃質赤火燄脚南方神旗赤質青火燄脚 北

方神旗黑質赤火燄脚凡立仗諸旗各火燄脚三條色

與質同長一丈五尺杠長二丈一尺牙門太平萬歲質

長一丈橫闊五尺日月龍君虎君橫豎並八尺餘旗並

豎長八尺橫闊六尺車輻朱漆八稜施以銅釘形如柯

舒 吾杖朱漆金飾兩末 鐙杖朱漆捧首標以金塗

馬鐙 及制如稍而短黑飾兩末中畫雲氣上綴朱絲

拂 骨朵朱漆捧首貫以金塗銅鍍 刻絲骨朵制如

骨朵加紐絲仗 卧瓜黃金塗卧置朱漆棹了立瓜制

形立 長刀長丈有奇闊上窄下单刃 儀刀制以銀

飾紫絲粉鍮 橫刀制如儀刀而曲鞘以沙魚皮飾條

粉鍮 千牛刀制如長刀 劔班鞘飾以沙魚皮劔口

兩刃 斑劔制鞘黃質紫斑文金銅裝紫絲粉鍮 刀

盾如長刀柄短木為之青質有環紫絲粉鍮 刀盾之

盾制以木赤質畫異獸執人右刀左盾 朱藤絡盾制

同而朱其盾 綠藤絡盾制同而綠其盾 戟制以木

有枝黃金塗竿以朱漆 小戟飛龍掌制如戟畫雲氣

上綴飛掌垂五色帶末有銅鈴掌下方而上兩角微脩

繪龍于其上 鈇戟制如戟無飛掌而有橫木 稍制

以木黑質畫雲氣上刻刃塗以青五色稍並同而質異

積制如戟鋒兩旁微起下有鐔銳 又制如戟而短

青飾兩末中白畫雲氣上綴紅絲拂 斧雙刃斧貫于

朱漆竿首 鈇金塗鉄鈇單乃腦後繫朱拂朱漆竿

劈正斧制以玉單及金塗柄銀鐔 儀鏗斧制如斧刻

木為之柄以朱上綴小錦幡五色帶 弓矢 弩制如

弓而有臂 服制以虎豹皮或暴綠文金銅裝 鞞制

以黑革 蘭弩矢室 象鞞鞍五采裝明金木蓮花座

緋繡攀鞍條紫繡襜褕紅錦屨鍤石蓮花跋塵錦緣毳

盤紅犛牛尾纓拂并胸攀鞞攀上各帶紅犛牛尾纓拂

鍤石胡桃鍤子杏葉鍤具緋皮轡頭鍤具蓮花座上金

塗銀香爐一 初既定占城交趾真獵歲貢象育于析

津坊海子之陽行幸則番官騎引以導大駕以駕巨輦

駝鼓設金裝鍤具花扇鞍褥橐篋前峯樹皂纛或施采

旗後峯樹小旗絡腦當胸後鞞並以毛組為轡勒五色

璫王毛結纓絡周綴銅鐸小鏡上施一面有底銅擱小

鼓一人乘之繫以毛繩凡行幸先鳴鼓于駝以威振遠

邇亦以試橋梁伏水而次象馬 騾鼓制如駝而小

馬鼓轡勒後勒當胸皆綴紅纓拂銅鈴杏葉鍤具金塗

鈇上插雉尾下負四足小架上施以革鼓一面一人前

引凡行幸負鼓于馬以先駝與纛並行 誕馬纓轡緋

續文獻通考 卷之二百二十九 四三五四

涼鍬 御馬鞍轡纓複全 珂馬銅面雉尾鼻拂胸上
綴銅杏葉紅絲拂又胸前腹下皆有攀綴銅鈴後有跋
塵錦包尾

崇天鹵簿中道 頓遞隊象六飾以金裝蓮座香寶鞍

轄鞦轡扇勒犛牛尾拂跋塵鉸具導者六人馭者南越

軍六人皆弓花角唐帽緋纒銷金袂衫鍍金束帶烏鞞

橫列而前行次駝鼓九飾駝以鍍金鉸具轡飾扇籠旗

鼓纓鎗馭者九人服同馭象者中道相次而行次舍人

二人四品服騎分左右夾駝而行次青衣二人武弁青

纓青勒帛青鞞執青杖次清道官四人四品服騎次

信 二人引護者四人武弁黃纒生色寶相花

袍黃勒帛黃鞞次騾鼓六飾騾以鍍金鉸具轡飾扇籠

旗鼓纓鎗馭者六人服同馭駝者次告止旛二執者二

人引護者四人武弁緋纒生色寶相花袍紅勒帛紅鞞

次傳教旛二執者二人引護者四人武弁黃纒生色寶

相花袍黃勒帛黃鞞並分左右次橋道頓遞使一人本

品服騎中道舍人清道官橋道頓遞使從者凡七人錦

帽紫袂衫小銀束帶行滕鞋襪後凡從者之 毒繻稍隊

金吾將軍二人交角幘頭緋羅繡抹額紫羅繡辟邪柄

襠紅錦襯袍錦騰蛇金帶烏鞞橫刀佩符騎分左右次

弩而騎者五人錦帽青纒生色寶相花袍銅帶綠雲鞞

次稍而騎者五人錦帽緋纒生色寶相花袍銅帶朱雲

鞞次燾一執者一人夾者四人護者二人皆錦帽紫緋
生色寶相花袍鍍金帶紫雲鞞押燾官二人皆騎本品
服次馬鼓四飾如騾鼓馭者四人服同馭騾次佩弓矢
而騎者五人服同執弩者押衙四人騎而佩劍錦帽紫
緋生色寶相花袍鍍金帶雲頭鞞裸袴者四人騎錦帽
緋緋生色寶相花袍銅帶朱鞞控馬八人錦帽紫衫銀
帶烏鞞次稍而騎者五人服佩同執弩者金吾將軍押
燾官從者四人服同前隊 朱雀隊舍人一人四品服
騎而前次朱雀旗一執者一人引護者四人錦帽緋緋
生色鳳花袍銅帶朱雲鞞皆佩劍而騎護者加弓矢次
金吾折衝一人交角幞頭緋緋抹額紫羅繡辟邪兩

襠紅錦襯袍金帶錦騰蛇烏鞞橫刀佩弓矢而騎帥甲
騎凡二十有五弩五人次弓五人次稍五人次弓五人
次稍五人皆冠甲騎冠朱畫甲青勒甲條鍍金環白繡
汗騰束帶紅鞞帶弓箭器仗馬皆朱甲具裝珂飾全舍
人金吾從者凡二人服同前隊 十二旗隊舍人一人
四品服騎而前金吾果毅二人交角幞頭緋羅繡抹額
紫羅繡辟邪兩襠紅錦襯袍金帶錦騰蛇烏鞞橫刀佩
弓矢騎分左右帥引旗騎士五皆錦帽黃緋生色寶相
花袍銀帶烏鞞次風伯旗左雨師旗右雷公旗左電母
旗右執者四人騎青甲騎冠綠甲青勒甲條鍍金環白
繡汗騰束帶青雲鞞馬皆青甲珂飾次五星旗五執者

五人甲騎冠五色畫甲青勒甲條鍍金環白繡汗胯束帶五色鞞馬甲如其甲之色珂飾次北斗旗一執者一人甲騎冠紫畫甲青勒甲條鍍金環白繡汗胯束帶紫雲鞞馬甲隨其甲之色珂飾左右攝提旗二執者二人甲騎冠朱畫甲青勒甲條鍍金環白繡汗胯束帶紅雲鞞馬朱甲珂飾執副竿者二人騎錦帽黃生色寶相花袍銀帶烏鞞執補而護者五人騎服同執副竿者舍人金吾果毅從者九三人服同前隊 門旗隊舍人二人四品服監門將軍二人皆交角幞頭緋色繡抹額紫羅繡獅子兩檔紅錦襯袍金帶烏鞞橫刀佩弓矢騎馬甲珂飾全次門旗二執者二人錦帽緋絀生色獅子文袍

銅革帶紅雲鞞劍而騎引護者四人服佩同執人而加弓矢騎次監門校尉二人騎服佩同監門將軍分左右行次鸞旗一執者一人引護者四人錦帽五色絀生色瑞鸞花袍束帶五色雲鞞佩劍護人加弓矢皆騎舍人監門將軍監門校尉從者凡六人服同前隊 雲和樂雲和署令二人朝服騎分左右引前行九十有六人戲竹二排簫四簫管二龍笛二板二歌工四皆展角花幞頭紫絀生色雲花袍鍍金帶紫鞞次琵琶二十箏十有六笙篪十有六箏十有六方響八頭管二十有八龍笛二十有八已上工百三十有二人皆花幞頭緋絀生色雲花袍鍍金帶朱鞞次杖鼓三十工人花幞頭黃生色

花袍飾臂講鍍金帶烏鞞次板八工人服色同琵琶工人
人次大鼓二工十人服色同杖鼓工人雲和署令從者
二人服同前隊 殿中黃麾隊舍人二人四品服殿中
侍御史二人本品服皆騎次黃麾一執者一人夾者二
人騎武弁緋絕生色寶相花袍紅勒帛紅雲鞞舍人殿
中侍御史從者九四人服同前隊 太史鉦鼓隊太史
一門服騎引交龍桐鼓左金鈺右昇四人工二人
皆武弁緋絕生色寶相花袍紅勒帛紅鞞次司辰郎一
人左典事一人右並四品服騎太史司辰郎典事從者
三人服同前隊 武衛鉦鼓隊武衛將軍一人交角幟
頭緋羅繡抹額紫羅繡瑞鷹柄襠紅錦襯袍錦騰蛇金

帶橫刀騎領五色繡幡一金節八早右畢左朱雀青龍
白虎幢三橫布道蓋一中道又四武衛果毅二人服佩
同武衛將軍鉦二十戟二十徒五十有九人武弁緋絕
生色寶相花袍紅勒帛紅鞞武衛將軍武衛果毅從者
凡三人服同前隊 龍墀旗隊舍人二人四品服中郎
將二人服佩同鉦戟隊武衛將軍騎分左右帥騎士凡
二十有四人執旗者八人天下太平旗中道中嶽帝旗
左中央神旗右次日旗左月旗右次祥雲旗二分左右
次皇帝萬歲旗中道執人皆黃絕巾黃絕生色寶相花
袍黃勒帛黃雲鞞橫刀執弓矢護者八人緋絕巾緋絕
生色寶相花袍紅勒帛紅雲鞞橫刀執弓矢舍人中郎

將從者凡四人服同前隊 御馬隊舍人二人四品服
引左右衛將軍二人緋羅繡抹額紫羅繡瑞馬襠紅羅
襯袍錦騰蛇金帶烏鞞橫刀皆騎分左右行御馬十有
二匹分左右飾以纓轡鞍覆馭士控鶴二十有四人交
角金花幞頭紅錦控鶴襖金束帶鞞鞋次尚乘奉御二
人四品服騎分左右行舍人左右衛將軍從者四人服
同前隊 拱衛控鶴第一隊拱衛指揮使二人本品服
騎分左右帥步士凡二百五十有二人負劍者三十人
次執吾杖者五十人次執斧者五十人次執鐙杖者六
十人次執刻絲骨朶者三十人皆分左右次携金水瓶
者一人左金盆者一人右次執刻絲骨朶者三十人皆
分左右皆金縷額交角幞頭青質孫控鶴襖塗金荔枝
束帶鞞鞋拱衛指揮使從者二人服同前隊 安和樂
安和署令二人本品服騎分左右行領押職二人弓角
鳳翅金花幞頭紅質孫加襠袍金束帶花鞞次扎鼓八
爲二重次和鼓一中道次板二次龍笛四次頭管二次
羌笛二次笙二次箏二左右行次雲璈 甲道工二十
有四人皆弓角鳳翅金花幞頭紅錦質孫襖金荔枝束
帶花鞞從者二人服同前隊 金吾援寶隊舍人二人
四品服引金吾將軍二人交角幞頭緋羅繡抹額紫羅
繡辟邪襠紅錦襯袍錦騰蛇橫刀佩弓矢皆騎分左
右前引駕十二重甲士一十二騎弩四次弓四次稍四

爲三重次香案二金爐合各二分左右昇士十有六人侍香二人騎而從次典瑞使二人本品服騎而左右引八寶受命寶左傳國寶右次天子之寶左皇帝之寶右次天子行寶左皇帝行寶右次天子信寶左皇帝信寶右每輿寶盃銷金蒙複櫬複案輿紅銷金衣籠頭竿結綬昇士八人朱團扇四人凡九十有六人皆交角金花幘頭青紅錦質孫襖每輿前青後紅金束帶鞵鞋援寶三十人交角金花幘頭窄紫衫銷金紅汗騰金束帶烏鞋執金縷黑杖次符寶郎二人四品服騎分左右次金吾果毅二人服佩同金吾將軍騎分左右次弓四人次稍四人次弩四人爲三重舍人金吾將軍侍香典瑞使

行寶

毅從者凡十有二人服同前隊

殿中

繖扇隊二人四品服騎分左右領騎而執旗者四人日月合璧旗左五星連珠旗右次金龍旗左金鳳旗右黃纒巾黃纒生色寶相花袍黃勒帛黃鞞佩劍騎而引旗者四人青纒巾青纒生色寶相花袍青勒帛青鞞佩劍執弓矢騎而護旗者四人紅纒巾紅纒生色寶相花袍紅勒帛紅鞞佩劍執弓矢次朱團扇十六次小雉扇八次中雉扇八次大雉扇八爲十重重四人次曲蓋二紅方繖二次紫方繖二次華蓋二次大繖二執者五十人武弁紅纒生色寶相花袍紅勒帛紅鞞舍人從者二人服同前隊 控鶴園子隊園子頭一人執骨朵由

續文獻通考

卷之百二十九

十六

四日七十共

中道交角幙頭緋錦質孫襖鍍金荔枝帶鞞鞋領執圍
子十有六人分左右交角金花幙頭白襯肩青錦質孫
襖鍍金荔枝帶鞞鞋次朱繖中道次金脚踏左金椅右
服如圍子頭拱衛指揮使一人本品服騎中道控鶴二
十人服同上拱衛指揮使從者二人服同前隊 天樂
一部天樂署令二人本品服騎分左右領押職二人弓
角鳳翅金花幙頭紅錦質孫襖加欄金束帶花鞞次琵琶
二篪篪二火不思二板二箏二胡琴二笙二頭管二
龍笛一響鈇一工十有八人徒二人皆弓角鳳翅金花
幙頭紅錦質孫襖鍍金束帶花鞞 控鶴第二隊僉拱
衛司事二人本品服騎分左右帥步士九七十有四人

執立瓜者三十有六人分左右次捧金杙一人左鞭桶
一人右次蒙鞍一人左繖手一人右次執立瓜者三十
有四人分左右皆交角金花幙頭緋錦質孫襖鍍金荔
枝帶鞞鞋僉拱衛司事從者二人服同前隊 殿中道
從隊舍人二人四品服騎左右引香鐙案一黃銷金盤
龍衣金爐合結綬龍頭手昇者十有二人交角金花幙
頭紅錦質孫控鶴襖緋錦束帶鞞鞋侍香二人騎分左
右次警蹕三人交角幙頭紫窄袖衫鍍金束帶烏鞞次
舍人二人四品服騎引天武官二人執金鉞金鳳翅兜
牟金鎖甲青勒甲條金環繡汗胯金束帶馬珂飾次金
骨朵二次幢二次節二分左右次金水盆左金椅右次

蒙複左副執椅右次金水瓶鹿盧左銷金淨巾右次金香毬二金香合二分左右次金唾壺左金唾盃右金拂四扇十分左右次黃繖中道繖衣從九騎士三十人服如警蹕加白繡汗膀步卒四人執椅一人蒙複一人繖衣一人服如昇香鐙徒舍人天武官從者凡六人服同前隊 控鶴第三隊拱衛直鈐轄二人本品服騎引執卧瓜八十人服如第二隊 導駕官引進使二人分左右前行次給事中一人左起居注一人右侍御史一人左殿中侍御史一人右次翰林學士一人左集賢學士一人右次御史中丞一人左同知樞密院事一人右次御史大夫一人左知樞密院事一人右次侍儀使四人中書侍郎二人

黃門侍郎二人侍中二人皆分左右次儀仗使一人左鹵簿使一人右次禮儀使二人分左右持劈正斧一人中道次大禮使一人左太尉一人右皆本品服騎從者三十人惟執劈正斧官從者二人服同前隊 羽林宿衛舍人二人四品服前行次羽林將軍二人交角幘頭緋羅繡抹額紫羅繡瑞鷹衲襠紅錦襯袍錦騰蛇金帶烏鞞橫刀佩弓矢皆騎分左右領宿衛騎士二十人執骨朵六人次執短戟六人次執斧八人皆弓角金鳳翅幘頭紫袖細褶繡線襖束帶烏鞞橫刀舍人羽林將軍從者凡四人服同前隊 檢校官分布中道之類通隊監察御史二人本品服次燾補隊循仗檢校官二人次

朱雀隊金吾中郎將二人皆交角幘頭緋羅繡抹額紫羅繡辟邪衲襠紅錦褙袍錦騰蛇金帶烏鞞佩儀刀加弓矢次十二旗隊兵部侍郎二人本品服次門旗隊糾察儀仗官二人本品服次雲和樂部金吾將軍二人服佩如金吾中郎將知隊仗官二人本品服次武衛鈇戟隊監察御史二人本品服次外道左右牙門巡仗監門中郎將二人交角幘頭緋羅繡抹額紫羅繡獅子衲襠紅錦褙袍錦騰蛇金帶烏鞞佩儀刀弓矢次金吾援寶隊兵部尚書二人次循仗檢校官二人次殿中織扇隊監察御史二人禮部尚書二人皆本品服次圍子隊知隊仗官二人次金吾大將軍二人服同金吾將軍各攝稍從次殿中導從隊糾察儀仗官二人次循仗檢校官二人次羽林宿衛隊左點檢一人左右點檢一人右紫羅繡瑞麟衲襠餘同金吾大將軍領大黃龍負圖旗二執者二人夾者八人錦帽五色純巾五色純生色雲龍袍塗金束帶五色雲鞞佩劔夾者加弓矢並行中道控鶴外外仗內前後檢校仗內知班六人展角幘頭紫窄衫塗金束帶烏鞞承奉班都知一人太常博士一人皆朝服騎同檢校官前後巡察宿直將軍八人服佩同左右點檢夾輅檢校三衛陪輅隊誕馬二匹珂飾纓轡青氍乘黃令二人本品服分左右次殿前將軍二人交角幘頭紫羅繡辟邪衲襠紅錦褙袍錦騰蛇金帶烏鞞

橫刀騎王輅太僕御馭本品服千牛大將軍驂乘交角
 幘頭紅抹額繡瑞牛兩檔紅錦襯袍錦騰蛇金帶烏鞞
 橫刀左右衛將軍服如千牛大將軍惟兩檔繡瑞虎文
 陪輅輅馬六匹珂飾纓轡青鈿牽套鞞帶步卒九八十
 有二人馭士四人駕士六十有四人行馬二人踏道八
 人推竿二人托义一人梯一人皆平巾青幘青繡雲龍
 花袍塗金束帶青鞞教馬官二人進輅職長二人皆本
 品服夾輅將軍二人金鳳翅兜牟金瑣甲條環繡汗脰
 金束帶綠雲花鞞青瀝水扇二次千牛備身二人皆分
 左右交角幘頭緋羅繡抹額紫羅繡瑞牛兩檔紅錦襯
 袍金帶烏鞞橫刀佩弓矢獻官二人殿中監六人內侍

十八皆本品朝服騎分左右千牛備身後騎而執弓矢
 者十人尚衣奉御四人尚食奉御二人尚藥奉御二人
 皆騎本品服次腰輿黃紵絲銷金雲龍蒙複步卒九十
 有三人昇士八人道扇四人黃繖一人皆交角幘頭紅
 質孫控鶴襖金束帶鞞鞋尚舍奉御二人騎左尚輦奉
 御二人騎右皆朝服從者三十有四人服同前隊 大
 神牙門旗隊都點檢一人騎交角幘頭緋羅繡抹額紫
 羅繡抹額紫羅繡瑞麟兩檔紅錦袍次監門大將軍二
 人分左右騎服如都點檢惟兩檔紫繡獅文門凡三重
 親衛郎將帥甲士分左右夾輅而陣統出輅後合執鞞
 者二為第一門翊衛郎將帥護尉夾親衛而陣統出輅

後合爲第二門監門校尉二人騎左右衛大將軍帥甲士執五色龍號旗夾護尉而陣繞出輅後合牙門旗二爲第三門監門校尉二人主之服色詳見外仗 雲和樂後部雲和署丞二人本品服騎分左右領前行戲竹二排簫二簫管二歌工二凡十人皆騎 幘頭紫絕生色花袍塗金帶烏鞞次琵琶四箏四篳篥四篳四頭管六方響二龍笛六杖鼓十工四十人皆騎服同上惟絕色紅從者二人服同前隊 後黃麾隊玄武幢一絳麾二徒三人皆武弁紫絕生色龜雲花袍紫羅勒帛紫鞞次黃麾執者一人夾者二人皆騎豹尾一執者一人夾者二人皆騎武弁紫生色寶相花袍紫勒帛紫鞞 玄

武黑甲掩後隊金吾將軍一人騎中道交角幘頭緋羅繡抹額紫羅繡辟邪襖當紅錦觀袍金帶錦騰蛇烏鞞佩刀後衛指揮使二人騎分左右服同各衛指揮使帥甲騎五十有七人玄武旗一執者一人夾者二人小金龍鳳黑旗二執者二人皆黑兜牟金飾黑甲條環汗膊束帶鞞帶弓矢器仗馬黑金色獅子甲珂飾稍四十人弩十人黑兜牟黑甲條環汗膊束帶鞞帶弓矢器仗馬黑甲珂飾執衛司掾稍二人錦帽紫生色 辟邪文袍鍍金帶烏鞞從者三人服同前隊 外仗 金鼓隊金鼓旗二執者二人引護者八人皆五色絕巾生色寶相花五色袍五色勒帛鞞佩劍引護者

加弓矢分左右次折衝都尉二人交角幟頭緋羅繡抹額紫羅繡辟邪襖襠紅錦襯袍金帶錦騰蛇騎帥步士凡百二十人鼓二十四人鉦二十四人並黃純巾黃純生色寶相花袍黃勒帛黃鞞角二十四人紅純巾紅純生色寶相花袍紅勒帛紅鞞車輻棒二十四人長刀二十四人並金飾青兜牟青甲條環白繡汗胯束帶青雲鞞清游隊舍人二人四品服騎導金吾折衝二人交角幟頭緋羅繡抹額紫羅繡辟邪襖襠紅錦襯袍金帶錦騰蛇橫刀佩弓矢騎分左右帥步士凡百有十八白澤旗二執者二人引護者八人次執弩二十人次執稍二十人次執弓二十人次執稍二十人次執弓二十人次

皆甲騎冠金飾綠畫甲條環白繡汗胯束帶綠雲鞞佩弓矢器仗馬金飾珠畫甲珂飾分左右 飲飛隊鐵甲甲珂飾次金吾果毅二人交角幟頭緋羅繡抹額紫羅繡辟邪襖襠紅錦襯袍金帶錦騰蛇橫刀弓矢騎次虞候飲飛執弩二十人錦袍紅生色寶相袍塗金帶烏鞞 及仗隊領軍將軍二人交角幟頭緋純繡抹額紫羅繡白澤襖襠紅錦襯袍金帶錦騰蛇烏鞞橫刀騎帥步士五十人執及二十五人執叉二十五人錯分左右皆五色純生色巾寶相花五色袍五色勒帛五色雲頭鞞領軍將軍從者二人錦帽紫襖衫小銀束帶行滕鞋

續文獻通考 卷之二百二十九

二十四

四百六十九

被 諸衛馬前隊舍人二人四品服騎導左右衛郎將
 二人交角幟頭緋絕繡林額紫羅繡瑞馬襖檔紅錦襯
 袍金帶錦騰蛇烏鞞橫刀佩弓矢騎分左右帥騎士百
 五十有六人前辟邪旗左應龍旗右次王馬旗左三角
 旗右次黃龍負圖旗左黃鹿旗右次飛麟旗左馱駝旗
 右次鸞旗左鳳旗右次飛黃旗左麒麟旗右執旗十有
 二人生色黃純巾勒帛鞞引旗十有二人服同執人惟
 袍色青護旗十有二人生色紅純巾勒帛鞞執弓六十
 人錦帽青生色寶相花袍塗金帶烏鞞執稍六十人服
 如執弓者惟袍色紅每旗弓五稍五從者四服同前隊
 二十八宿前隊舍人二人四品服騎導領軍將軍二
 人紫羅繡白澤襖檔餘如前隊左右衛郎將皆騎帥步

士百十有二人前井宿旗左參宿旗右各五盾從次鬼
 宿旗左甯宿旗右各五弓從柳宿旗左畢宿旗右各五
 盾從次星宿旗左昂宿旗右各五盾從次張宿旗左胃
 宿旗右各五從次翼宿旗左婁宿旗右各五襜從次軫
 宿旗左奎宿旗右各五盾從執旗十四人生色黃純巾
 勒帛鞞引旗十有四人服如執人惟袍巾色青護旗十
 有四人服如執人惟袍巾色紅執刀盾者三十人弓矢
 者二十人襜者二十八皆五色兜牟甲條環白繡汗膝
 束帶五色雲鞞舍人領軍將軍從者四人服同前隊
 領軍黃麾仗前隊舍人二人四品服騎導領軍將軍二

續文獻通考卷之百二十九
 四百七十

人服佩如二十八宿旗隊領軍將軍騎分左右帥步士
凡一百五十人絳引旛十次龍頭竿繡斿十皆分左右
次江瀆旗左濟瀆旗右次小戟十次弓十皆分左右次
南方神旗左西方神旗右次鎗十次綠滕絡盾加刀十
皆分左右次南嶽帝旗左西嶽帝旗右次龍頭竿斿十
次朱藤絡盾加刀十皆分左右次南天王旗左西天王
旗右次小戟十次弓十皆分左右次龍君旗左虎君旗
右次鎗十次綠滕絡盾加刀十皆分左右執人一百三
十人武弁五色生色寶相花袍勒帛鞞引旗十人青生
色寶相花袍勒帛鞞護旗十人服同惟袍巾色紅
及仗後隊領軍將軍二人騎帥步士凡五十人及二十

有五義二十有五錯分左右服佩同前隊 左右牙門
旗隊監門將軍二人騎紫繡獅子裊襠餘如仗仗隊領
軍將軍之服佩次牙門旗四每旗執者一人引夾者二
人並黃純巾黃純生色寶相花袍黃勒帛黃雲鞞皆騎
次監門校尉二人騎服佩同監門將軍從者四人服同
前隊 左右青龍白虎隊舍人二人四品服騎導領軍
將軍二人服佩同仗仗隊之領軍將軍騎分左右帥甲
士凡五十有六人騎青龍旗左執者一人夾者二人縱
以執弩五人弓十人稍十人皆冠青甲騎冠青鉄甲青
條金環束帶白繡汗胯青雲鞞白虎旗右執者一人夾
者二人從以執弩五人弓十人稍十人皆冠白甲騎冠

白鐵甲青條金環束帶白繡汗胯白雲鞞舍人領軍將軍從者四人服同前隊 二十八宿後隊舍人二人四品服騎導領軍將軍二人騎分左右帥步士百十有二人角宿旗左壁弓旗右各從以執弓者五人次亢宿旗左室宿旗右各從以執纘者五人次氐宿旗左危宿旗右各從以執盾者五人次房宿旗左虛宿旗右各從以執弓者五人次心宿旗左女宿旗右各從以執纘者五人次尾宿旗左牛宿旗右各從以執盾者五人次箕宿旗左斗宿旗右各從以執弓者五人舍人領軍將軍從者四人執夾引從服佩皆同前隊 諸衛馬後隊舍人四品服騎導左右衛果毅都尉二人騎分左右帥衛士

百五十有六人角端旗左赤熊旗右次兕旗左太平旗右次驪騮旗左騶牙旗右次犀牛旗左駿驥旗右次蒼烏旗左白狼旗右次龍馬旗左金牛旗右舍人左右衛果毅都尉從者四人執夾引從服佩皆同前隊 左右領軍黃麾後隊舍人二人四品服騎導領軍將軍二人騎分左右帥步士一百六十人龍頭斃十次朱騰絡盾加刀十皆分左右次吏兵旗左力士旗右次小戟十次弓十皆分左右次東天王旗左北天王旗右次鎗十次綠旗加刀十皆分左右次東岳帝旗左北岳帝旗右次朱騰絡盾加刀十皆分左右次東方神旗右次小戟十次弓十皆分左右准

續旗左司

次鎧十次綠滕絡盾加刀十皆分左

右次絳引

右掩後舍人領軍將軍從者四人

執夾服佩並

左右衛儀刀班劍隊舍人二人

四品服騎導

將二人交角幟頭緋羅繡抹

額紫羅繡瑞馬

也錦騰蛇金帶烏韉騎分

左右帥步士凡四

人儀刀二十人並錦

帽紅生色寶相花袍

帶烏韉舍人左右衛中郎

將從者四人服同前

供奉宿衛步士隊供奉中郎

將二人交角幟頭紫緋抹額紫羅繡瑞馬

襪襠紅錦

觀袍錦騰蛇金帶烏韉橫刀佩弓矢帥步士凡五十有

二人執短戟十有二人次執列絲十有二人次又戟十

二人次斧十有六人分左右夾王輅行皆弓角金鳳

翅幟頭紫細褶辮線襖塗金束帶烏韉

親衛步甲隊

親衛郎將二人服同供奉中郎將騎分左右帥步士凡

百四十有八人執龍頭竿斃四人次小戟十人次斃二

人次儀鎧十人次斃二人次小戟十人次斃二人次儀

鎧十人次斃二人次小戟十人次斃二人次儀鎧十人

次斃二人次小戟十人皆分左右夾供奉宿衛隊次斃

二人次儀鎧十人次斃二人次小戟十人次斃二人次

儀鎧十人次斃二人折繞宿衛隊後而合其端為門皆

金堊牟甲青勒甲條金環綠雲韉 翊衛護尉隊翊衛

郎將二人服同親衛郎將騎帥護尉騎士百有二人皆

交角金花幘頭窄袖紫衫紅銷金汗膊塗金束帶烏鞞
執金裝骨朵分左右夾親衛隊行折繞隊後而合其端
爲第二門 左右衛甲騎隊左右衛大將軍二人服如
翊衛郎將帥騎士百人執青龍旗五人左青鳳旗五人
右次青龍旗五人左赤鳳旗五人右次黃龍旗五人左
黃鳳旗五人右次白龍旗五人左白鳳旗五人右次黑
龍旗五人左黑鳳旗五人右次五色鳳旗二十五居左
五色龍旗二十五居右曲繞轅後合牙門旗爲第三門
士皆冠甲騎冠金飾朱畫甲青勒甲條鍍金環白繡汗
膊紅鞞佩弓矢器仗馬青金毛獅子甲珂飾 左衛青
甲隊左衛指揮使二人騎服紫羅繡雕虎襖襠餘同左

大將軍帥騎士三十八人執大青龍旗一人左大青鳳
旗一人右次小青龍旗一人左小青鳳旗一人右次大
青鳳旗一人左大青龍旗一人右每旗從以持青稍四
人次小青鳳旗一人左小青龍旗一人右皆從以持青
稍者三人皆青兜牟金飾青畫甲青條塗金環汗膊束
帶鞞佩弓矢器仗爲金毛獅子甲珂飾折繞陪門 前
衛赤甲隊指揮使二人騎服佩同左衛指揮使帥衛士
四十八人執大赤鳳旗一人左大赤龍旗一人右次小
赤鳳旗一人左小赤龍旗一人右次大赤龍旗一人左
大赤鳳旗一人右次小赤龍旗一人左小赤鳳旗一人
每旗從以持朱稍四人次執大赤鳳旗一人左大赤龍

旗一人右皆從以持朱稍者三人皆朱纓牟金飾朱畫
甲條環汗胯束帶鞞佩弓矢器仗馬朱甲珂飾從者三
人服同前折繞陪門 中衛黃甲隊指揮使二人騎服
同前衛指揮使帥騎士凡五十八人執大黃龍旗一人
左大黃鳳旗一人右次小黃龍旗一人左小黃鳳旗一
人右次大黃鳳旗一人左大黃龍旗一人右次小黃鳳
旗一人左小黃龍旗一人右次大黃龍旗一人左大黃
鳳旗一人右每旗從以持黃稍者四人次小黃龍旗一
人左小黃鳳旗一人右皆從以持黃稍三人皆黃纓牟
金飾黃甲條環汗胯束帶鞞佩弓矢器仗馬甲珂飾從
者二人服同前隊折繞陪門 右衛白甲隊指揮使二

人騎服同中衛指揮使帥騎士凡七十有四人執大白
鳳旗一人左大白龍旗一人右次小白鳳旗一人左小
白龍旗一人右次大白龍旗一人左大白鳳旗一人右
次小白龍旗一人左小白鳳旗一人右次大白鳳旗一
人左大白龍旗一人右每旗從以持白稍者四人次小
白鳳旗一人左小白龍旗一人右次大白龍旗一人左
大白鳳旗一人右皆從以持白稍者五人皆白纓牟金
飾白甲條環汗胯束帶鞞佩弓矢器仗馬白甲珂飾從
者二人服同前隊折繞陪門 牙門四監門中郎將二
人服佩同各衛指揮使騎分左右次左衛次前衛次中
衛次右衛牙門旗各二色皆赤監門校尉各二人騎服

佩同各衛之執旗者從者十人服同前隊

后妃命婦以下車輦鹵簿

遼皇太后所乘有總壽車見祭山儀此國輿也其制未詳 后車皇

后所乘見統后儀制亦未詳小輦見永壽節儀制亦未詳平頭輦制如

逍遙無屋見册承天太后儀青幃車二螭頭盖部皆飾以銀

駕用駝公主下嫁以賜之古者王姬下嫁車服不繫其

夫下皇后一等此其遺意也又有送終車車樓純飾以

錦螭頭以銀下懸鐸後垂大氊駕以牛上載羊一謂之

祭羊以擬送終之用亦賜公主

金皇后之車六一曰重翟車青質金飾金塗銅鍍花葉段

裝釘耀葉二十四明金立鳳一紫羅銷金生色寶相帽

一青羅青油幃衣各一朱絲絡網紫羅明金生色雲龍

絡帶各二兩廂明金五彩間裝翟羽二金塗礪石長轆

鳳頭三紅轆立鸞八香爐香寶子一副宜男錦帶結朱

紅漆杌子踏床各一扶板扶魚一副紅羅明金衣褥紅

羅襯褥一青羅行道褥四青羅明金生色雲鳳夾幔一

紅羅明金綠紅竹簾二金塗銅葉斷行馬二朱紅漆金

塗銀葉裝釘胡梯一青羅胡梯尋儀褥二踏道褥一青

絹褰大麻索二油蒙帕一 二曰厭翟車赤質倒仙錦

帷一紫油紫羅幃衣各一朱絲絡網宜男錦絡帶各二

餘同重翟惟行道夾幔尋儀褥羅及褰索等用紅 三

曰翟車黃質金飾礪石葉段裝釘宜男錦帟黃羅油幃

衣礪石長轆鳳頭三而無橫轆立鸞餘同厭翟而羅色用紅 四曰安車赤質倒仙錦帷紫油幪衣朱絲絡網天下樂錦絡帶礪石長轆鳳頭三無橫轆立鸞及香爐香寶子餘同翟車而色皆用紅 五曰四望車朱質宜男錦帷青油幪衣轆端螭頭二餘並同安車 六曰金根車朱質紫羅紫油幪衣朱紫倒仙錦絡帶各二踏床褥用紅綾衣尋儀褥踏道褥並用綾餘並同安車 造六車成後復造圓輅重簷方輅五華亭頭平頭六等之制又增九龍車一高二丈廣一丈一尺長二丈六尺五鳳車四各高一丈八尺長廣如之圓輅車方輅車一重簷車一各高一丈七尺長一丈八尺廣八尺皆駕馬四

各五十人並平巾幘生色青緋黃三色寶相花衫銀袖抹帶大口勝平頭輦一五華輦一亭頭輦一各高一丈九尺廣一丈五寸長三丈昇士各九十六人作兩番代並生色緋寶相花衫餘如前制管押人員三十五人長脚幪頭紫羅窄衫金銅帶束駕馬繫纓涼氍鈴拂包尾皆從車色金銅面埽翟尾朱纓朱總龍車合用紅羅傘一傘子二人用本服錦帽幪帶又檢定扇障等制備扇如仙人羽扇行障六扇各長八尺高六尺用紅羅表朱裏畫雲鳳龍首竿銜鞞結每障用官人四坐障三扇各長七尺高五尺畫雲鳳紅羅表朱裏餘同行障錦六柱八扇各濶二尺高三尺冒以錦內給使八人執

宮人車制如屬車駕士八人平巾幘緋衫大口袴鞋襪
供奉宮人三十人雲脚紗帽紫衫束帶綠靴明昌元年
三月定妃嬪車輦同鍍金鳳頭黃結御妻婦用間金鳳
頭梅紅結子

皇太后皇后鹵簿用唐宋制共二千八百四十人清游
隊三十人清游旗一執一人引二人夾二人並平巾幘
口袴佩弓矢橫次金吾衛折衝都尉一人緋柄襦大
刀執稍弩騎騰龍弓爆稍二人平巾幘緋衫大領四十騎橫刀二十
人執稍四人弩十六人並平巾幘緋柄襦次虞侯伙飛
二十八人並平巾幘緋柄襦大口袴次內僕令
一人承一人依本品服各書目令史二人平巾幘緋衫次

黃麾一執一人夾二人武弁朱衣草次左右廂黃麾仗

願各三行行百人從內第一行短戟五色斨執者並黃

次外第三行戈五色斨執人並赤地黃花次外

第三行儀鎧五色旛並青地赤花綦次左右領軍衛左

右威衛左右武衛左右驍衛左右衛等衛各三行行二

十人分前後衛各主帥六人惟左右領衛各三人並平

緋柄襦大口袴領軍衛前後獅子文袍帽餘每衛各果

毅都尉一人檢校披繡袍以上左右領軍衛有絳引旛

引前掩後各三執者六人並平巾次內謁者監四人給

事二人內常侍二人內侍少監二人並騎分左右已上

從次內給使百二十人皆宮人並平巾幘緋衫次偏扇

讀文狀通考卷之二十一 三十一 六〇九

方扇團扇各二十四分左以右以官人執之皆服間次香

踏一執擎內給使四人口中平巾幘緋袍襜褕大次重翟車馬

四駕士二十四人口中平巾幘青衫襜褕大次行障二坐障二分左

車官人執之次內寺伯二人領寺人六分左右平巾幘

執御刀並騎次腰輿一輦士八人團雉扇二夾輿次大

傘四次大雉扇八分左右橫次錦華蓋二單行一次小

雉扇朱團扇各十二分左右橫次錦曲蓋二十四分左右橫

次錦六柱八扇分左右自腰輿以下並次宮人車次降

麾車分左右執各一人武次後黃麾一執一人夾一人

並騎武弁朱衣革帶正道次供奉官人在黃後次厭翟車馬四駕士一

十四人次翟車安車皆四馬駕士各二十四人次四望

青羅紫裏金浮圖親王公主王妃金鍍銀浮圖郡主縣
主銀浮圖皆青表紫裏諸臣下毋妻各從其夫子勳封
品級用傘

元中宮導從舍人二人引進使二人中政院判二人同僉
中政院事二人僉中政院事二人中政院副使二人同
知中政院事二人中政院使二人皆分左右行各服其
本品服內侍二人分左右行服視四品 押直二人冠
交角幘頭紫羅窄袖衫塗金束帶烏鞞小內侍凡九人
執骨朶二人執葆蓋四人皆分左右行執繖一人由中
道行携金盆一人由左負金椅二人由右服綠羅團花
窄袖衫冠帶鞋如押直 中政使一人由中道捧外辦

象牌服本品朝服 宮人凡二十人携水瓶金鹿盧一人由右執銷金淨巾一人由左捧金香毬二人捧金香合二人分左右捧金吐壺一人由左捧金唾盂一人由右執金拂四人執雉扇十人各分左右行冠鳳翅綾金帽銷金緋羅襖銷金緋羅結子銷金緋羅繫腰紫羅衫五色嵌金黃雲扇璫玉束帶

皇太子皇子公卿以下車輦鹵簿

遼皇太子車輦曰金輅從祀享正冬大朝納妃用之冊皇太子儀乘黃令陳金輅皇太子升降金輅是也曰輅車五日常朝享宮中出入行道用之金飾紫幟朱裏駕一馬曰四望車吊祭用之金飾紫油纒通幟駕一馬

金大定六年十二月奏皇太子金輅典故制度及上用輅輅儀式奉勅詳定輅旗旂首及應用龍者更以麟為式去障塵等物上用金輅各件色數依上公以九為節減四分之一上用輅軾前有金龍改為伏鹿軾上坐龍改為鳳旂十二旒減為九駕赤騮六減為四及羅褥用黃羅處改為梅紅餘並具體成造其制赤質金飾諸末重較箱畫虞文為獸黃屋軾作赤伏鹿龍輅金鳳一軾前設障塵朱蓋黃裏輪畫朱牙左建九旒右載闌戟旂首銜金龍頭結綬及鈴綏八鸞在衡二鈴在軾駕赤騮四金鏤方紇插翟尾鏤錫鞶纓九就皇帝輅自頂至地高一丈七尺今網四分之一為一丈三尺二寸修廣之網

同

皇太子受冊寶謝廟凡大禮大朝會則用鹵簿初有司
 奏當用唐宋儀禮詔止用千人中道清游隊二十四人
 折衝都尉一人白澤旗一五人弩四弓六稍八並清道
 直盪隊一十八人折衝都尉二人稍四弓矢十二並誕
 馬四八人折衝都尉二人稍四弓矢十二並誕馬四八
 人正直旗隊三十三人果毅都尉一人重輪旗一馴犀
 旗二野馬旗一馴象旗二旗各五人並騎細引隊一十四
 人果毅都尉二人弓矢六稍六補與弓矢相間並騎前部鼓吹九
 十八人並騎府史二人金鈺柶鼓各二大鼓十二長鳴八
 銑鼓二簫六笳六帥兵官二節鼓二小鼓十二中銑八

桃皮篳篥四歌四拱辰管六篳篥六大橫吹十二羽葆
 鼓二帥兵官二繖扇八梅紅繖二大雉扇四中雉扇四
 小輿一十八人導引官一十二人中允二人諭德二人
 庶子二人詹事二人太師一人太傅一人太保一人少
 師一人在金輅後並騎親勳翊衛圍子隊七十四人郎將
 二人儀刀七十二並騎金輅七十三人三衛隊一十八人
 執儀厭角隊六十七人郎將一人祥雲旗一五人弩三
 弓七稍十五並騎又郎將一人祥雲旗一五人弩三弓七
 稍十五並騎朱團扇一十六人司禦率府校尉四人並騎朱
 團扇三紫曲蓋三朱團扇三紫曲蓋三大角一十八後
 部鼓吹五十四人並騎管轄指揮一人金鈺柶鼓各一銑

續文獻通考卷之二百三十九
 四十六

鼓二簫六歌六篳篥六節鼓一主帥二人笛六笳六扶
辰管六小橫吹十主帥二人後拒隊四十六人果毅都
尉一人騎三角獸旗一五人弩四弓矢十六補二十外
仗左行二百四人牙門十六人並牙門旗一三人監門
校尉三人郎將一人班劍九前第一隊二十七人司禦
率府一人果毅都尉一人折衝都尉一人主帥一人並
絳引幡三首九人麟頭竿二儀鎧斧二弓矢二麟頭竿
二儀鎧斧二朱刀盾二小戟二第二第三第五隊各一
十四人與第一部麟頭竿以下同後第一隊四十七人牙門旗一三
人監門校尉三人果毅都尉一人主帥一人絳引幡三
九人鷓鴣旗一五人稍四弩三稍四弓矢三朱刀盾三

小戟二並後第二隊二十九人果毅都尉一人擗子旗
一五人稍五弩三稍五弓矢三稍三弓矢四並後第三
隊二十九人果毅都尉一人黃鹿旗一五人稍五弩三
稍五弓矢三稍三弓矢四並右行二百四人排列同
皇太子常行儀衛導從六十二人傘子二人並服梅紅
繡羅雙盤鳳襖金花幘頭塗金銀束帶凡從物鏹鑼唾
盃水碓等事並用銀金飾傘用梅紅羅坐麒麟金浮圖
椅用金鍍銀圈雙戲麒麟椅背紅絨絲結殿床與宴檄
用繡羅間金盤鳳卓水則用繡羅獨角間金盤獸東宮
視事朱絲飾椅塗金銀獸啣紅絨絲結明金團花椅背
案衣則用素羅色皆梅紅蒙帕踏脚同

親王鞍金銀裹仍釵以開花障泥用紫羅飾以金轡以
 塗金銀裝束用絲結皇家小功以上太皇太后皇太后
 太功以上皇后期親以上并一品官及官職俱至三品
 以上者障泥許用金花若經賜或御毬場內不在禁限
 舊制親王宰執任外者與大興尹皆服小帽束帶銀鞍
 絲鞭大定中世宗以京尹亦外官三品而與親王無別
 遂命不得御銀鞍絲鞭惟同外三品例幘頭帶展皂視
 事 承安二年制護衛銅裝鞍轡不得借人庶人馬鞍
 許用黑漆以骨角鉄爲飾不得用玉鈹具及金銀犀象
 飾鞍轡

親王儀從引接十人皂衫盤裹束帶乘馬捍擺官五十

人首領紫羅襖素幘頭執銀裹牙杖傘子紫羅團答繡芙蓉襖間金花交脚
 頭執銀裹牙杖傘子紫羅團答繡芙蓉襖兩邊黃絹儀襪並用金
 幘頭餘人紫羅四袂繡芙蓉襖兩邊黃絹儀襪並用金
 鍍銀束帶幘頭同邀喝四人傘用青表紫裏金鍍銀浮
 圖椅用銀裹圈背小確斲鑼唾盂並用銀郡王捍擺官
 三十人未出宮者二十人國公捍擺官二十人未出宮
 者十四人郡王引接六人國公四人未出宮者各減半
 從儀物並依一品職事官制

王公以下車制一品轅用銀螭頭涼棚杆子月板並許
 以銀裝飾三品以上螭頭不得施銀涼棚杆子月板亦
 聽用銀爲飾五品以上轅雲頭庶人坐車平頭止用一

色黑油

百官儀從正一品三公三師尚書令朱衣直省各十人

三公稱直府 捧擺官各六十人並服紫衫帽銀偏帶內執藤

捧三對骨朵三對牙杖三對簇馬六人傘子二人交椅

冰碓鏹鑼孟子唾盃等事以次執之服皂衫塗金銅束

帶後凡執色人並同 邀喝四人傘用青羅紫裏銀浮圖 從一

品尚書左右丞相平章政事都元帥樞密使直省同樞

稱直院以班祇人充 捧擺官五十人邀喝四人判大宗正引接十

人捧擺官四十大與尹面前二對餘並同以上交椅

並用銀裹圈背紫絲條結 正二品東宮三師左右副

元帥尚書左右丞直省八人捧擺官四十人邀喝三人

年用朱浮圖 從二品叅知政事樞密副使御史大夫

直省同御史臺稱通引以 捧擺官三十六人邀喝數同

正三品東宮三少元帥左右監軍殿前都點檢六部

尚書諸京留守宣徽勸農使翰林學士承旨等官凡同

品者各引接六人捧擺官二十人以上交椅並用直背

銀間裝青絲條結諸京都轉運使招討使諸路提刑使

諸府尹兼本路兵馬都總管及留守捧擺官五十人外

任統軍使都運招討使副使諸府尹兼總管捧擺官四

十五人公使七十人 從三品元帥左右都監勸農副

使殿前副都點檢及御史中丞等官凡同品者各接引

六人捧擺官一十八人內中丞引從則給緋衫外任運

續文獻通考 卷之三百二十九 四十一
使節度使捧擺官四十人諸節鎮諸部族節度同公使
上鎮七十人中鎮六十五人下鎮六十人以上外任官
人從服色除諸招討總管部族節度郡牧使自來無射
糧軍人力者並仍舊外留守統軍總管都運招討府尹
轉運節度使人力亦仍舊其數雖多俱不得過四十人
並服紫衫銀帶銀累圈背交椅銀水碓鏹鑼孟盃牙杖
內銀裹骨朶大劔各兩對及邀喝惟運使無骨朶大劔
正四品左右諫議大夫國子祭酒六部侍郎等官凡
同品者各引接八人本破十二人外任留守同統軍都
監提刑副使各捧擺官三十人 從四品殿前左右衛
將軍諸猛安千戶親王府尉諸京同知等官凡同品者

各引接四人本破十二人外任捧擺官三十五人公使
上防禦六十人中防禦五十五人下防禦五十人 正
五品尚書左右司郎中翰林待制太常少卿等官凡同
品者各本破八人外任捧擺官三十人公使上州五十
人中州四十五人下州四十人凡防禦刺史知軍并京
府統軍司節鎮佐貳等官人從並服紫衫角束帶直背
銀交椅鏹鑼孟盃牙杖傘用青表碧裏青浮圖防
禦刺史知軍仍用銀裹骨朶大劔一對邀喝惟隨路副
統軍則不邀喝 從五品六部郎中侍御史大理少府
等官凡同品者本破七人侍御引從則給緋衫外任本
破十人以上職事並許張蓋 正六品尚書左右司員

外等官凡同品者本破六人外任本破九人 從六品
 尚書六部員外等官凡同品者本破五人外任本破九
 人 正七品殿中侍御史等官凡同品者本破四人外
 任本破七人縣令公使十人都軍公使十人 從七品
 應奉翰林文字等官凡同品者本破四人外任本破六
 人縣令公使十人 正八品大理評事等官凡同品者
 本破二人外任本破六人 從八品太常太祝等官凡
 同品者本破二人外任本破五人 正九品御藥都監
 等官凡同品者本破一人外任本破三人 從九品隨
 殿位承應同監等官凡同品者本破一人外任本破一
 人 尚書省樞密院令譯史通事六部御史臺及統軍

通事誥院令史國史院書寫等職各設本破一人

職官人力從物不得僭越其外任官人從服執以本處公用或贓罰錢置 凡內外官自親

王以下儀從各有名數差等而朱衣直省不與其賤者
 一曰引接內官從四品以上設之二曰捧攏官內外正
 五品以上設之三曰本破內外正四品以下設之四曰
 公使外官正三品以下設之五曰從已人力外官正三
 品京都留守大興府尹以下等官設之本破如捧攏之
 職公使從公家之事從已執私家之役者也五等皆以
 射糧軍充其軍非驗物力以事攻討特招募民年十七
 以上三十以下魁偉壯健者收刺以資糧給之故曰射
 糧其首領則有將節承局什將等名而皆統于隨路都

兵馬總管府 外任官從已人力諸京留守大興府尹
 五十人統軍都轉運招討按察使諸路兵馬都總管四
 十五人轉運節度四十人 提控諸群牧防禦使三十
 五人 外任親王傅同知留守副統軍按察使諸州刺
 史知軍事三十人 同知都轉運使事副留守同知府
 尹兼總管提舉漕運司諸五品益使二十五人 都轉
 運副使按察司僉事少尹副總管同知轉運節度使事
 二十人 京都兵馬都指揮使一十八人 轉運節度
 副使十七人 兵馬都鈐轄十五人 親王府尉諸京
 留守總判官同知防禦使事十三人 警巡使兵馬副
 都指揮同提舉漕運司正六品鹽副使從六品酒麴鹽

稅使同知州軍事一十人 統軍都轉運司京府總管
 散府等判官京推官九人 親王府司馬招討判官赤
 劄縣令提舉上京皇城兵馬鈐轄正七品酒麴鹽稅副
 使都轉運判官府推官節度觀察判官八人 京縣次
 副縣令都巡檢使正將府軍都指揮使七人 司屬令
 親王府文字招討司勘事官諸縣令警巡副使知城堡
 塞鎮從七品鹽判同提舉上京皇城節鎮軍都指揮使
 都巡河同七品酒使防禦判官六人 市令錄事赤劄
 縣丞副都巡檢州軍判官五人 統軍司知事親王府
 記室叅軍司屬丞正八品酒使副京縣次副縣丞諸司
 使四人 大興府招討按察司知事京府運使節鎮司

獄管勾河橋關渡譏察官從八品鹽判官漕運司勾當
官警巡判官諸縣丞市丞司候主簿錄事司判官縣尉
副都巡檢諸巡檢巡河官正九品酒使諸司副使三人
鹽場管勾防刺以下司獄部隊將同管勾河橋副譏
察司候判官教授統軍按察司知法軍轄諸司都監節
鎮以上知法二人 鹽場同管勾防刺以下知法諸司
同監統軍按察司譯書通事一人

元公卿以下車輿除不得用龍鳳文外一品至三品許用
間金粧飾銀螭頭繡帶青幔四品五品用素獅頭繡帶
青幔六品至九品用素雲頭素帶青幔庶人黑油齊頭
平頂皂幔

鞍轡一品許飾以金玉二品三品飾以金四品五品飾
以銀六品以下並飾以礪石銅鉄

品官以下所用器皿除釵造龍鳳文不得使用外一
品至三品許用金玉四品五品惟臺盞用金六品以下
臺盞用鍍金餘並用銀庶人酒器許用銀瓶臺盞盃鍍
餘並禁止

帳幕除不得用赭紅龍鳳文外一品至三品許用金花
刺繡紗羅四品五品用刺繡紗羅六品以下用素紗羅
庶人用紗絹不得赭黃

